



মাসুদ রাণা

সচিত্রকরণ: শ্রবণ এম

বাংলাদেশ কাউন্টার ইন্টেলিজেন্সের
এক দুর্ভাগ্য, দুঃশাহসী স্পাই
পোপন মিশন নিয়ে বুয়ে বেড়ায় দেশ-দেশান্তরে।
বিচিত্র তার জীবন; অদ্ভুত রহস্যময় তার গতিবিধি;
কোমলে কঠোর বৈশাণ্যে নির্ভর, সুন্দর এক অন্তর।
একা।
টানে সবাইকে, কিন্তু বাধনে জড়ায় না।
কোথাও কোনো অন্যান্য-অবিচার-অত্যাচার দেখলে
রুদ্ধে দাঁড়ায়।
পদে পদে তার বিপদ-শিহরণ-ভয়
আর মৃত্যুর হাতছানি।
আসুন, এই দুর্ধর্ষ, চিরনবীন যুবকটির সঙ্গে
পরিচিত হই।
সীমিত গণ্ডিবদ্ধ জীবনের একময়েমি থেকে
একটানে তুলে নিয়ে যাবে ও আমাদের
স্বপ্নের এক আর্চ্য মায়ারী জগতে।
অ্যাপনি আমন্ত্রিত।
ধন্যবাদ।

কাজী আনোয়ার হোসেন রানা-সোহানা

রা না হাত বাড়ানোর আগেই হেঁ মেরে গ্রেটের ওপর থেকে বিলটা তুলে নিলেন আদনান মুত্তফি। 'খবরদার! কারও
কোনো জোরাজুরি শুনতে চাই না। এ বিল আমি দেব।'

'কিন্তু...'

'আবার কিন্তু!' কটমট করে সোহানার দিকে চাইলেন প্রফেসর। 'কী মনে করো তোমরা আমাদের? একেবারে
খালি হাতে বেড়াতে বেরিয়েছি? জেসিকা, তোমার ব্যাগটা দাও তো এদিকে!'

হাসিমুখে হ্যান্ডব্যাগটা বাড়িয়ে দিল জেসিকা। 'হ্যাঁ, রোজ রোজ খাওয়ালে তো চলবে না, ভাই। আমাদেরও
সুযোগ দিতে হবে। চেহারার বর্তমান অবস্থা কী, আদনান?'

'গুন্ডাটার মুখ ছাইবর্ণ, শুকনো ঠোঁট চটিছে; আর সোহানা ছুঁড়ির চেহারা হয়েছে বাংলার ৫-এর মতো। ওহ-
হো, ডার্লিং, তুমি তো ৫ কী রকম, তা জানো না। আঙুলটা দাও, আমি একে দেখিয়ে দিচ্ছি।'

জেসিকার তর্জনী দু আঙুলে ধরে বোলসের রেস্তোরার ডাইনিং টেবিলের ওপর ৫ একে দেখালেন প্রফেসর
মুত্তফি। হেসে উঠল জেসিকা মুত্তফি। 'স্প্যানিশ মেয়ে ও, শৈশব থেকে অন্ধ। 'মাহ্! বাজে কথা। সোহানার অত
সুন্দর চেহারা এ রকম হতেই পারে না।'

'আমার চেহারার বর্ণনা দিতে হবে না!' রাগ-রাগ ভাব করে চোখ রাখাল সোহানা, 'এই এক ডিনারে
তোমাদের অনেক টাকা বেরিয়ে যাবে, আদনান ভাই; সে খেরাল আছে?'

'তোমাকে সেসব ভারতে হবে না, বাছা,' বললেন অ্যান্ড্রিয়েড কিজিঞ্জের আভাভোলা প্রফেসর। রানার চেয়ে বছর আটকের বড়, সোহানার দূরসম্পর্কে ভাই হন। 'আমার আরও অনেক রোজগার আছে, তা জানো?'

জানে ওরা, কিন্তু কেউ মুখ খুলল না।

'তা ছাড়া এবার তো আমি রাজা! আমার ওই চুটিন বউ কী করেছে, শোনেনি? আমাকে কিছু না বলে কোথায় জানি লুকিয়ে বেশ কিছু ডলার পাচার করে এনেছে লন্ডন থেকে। গ্লেনে ওঠার পর আমাকে জিজ্ঞেস করে: 'কিছু হবে?'

'জবাবে ও কী বলেছিল, সেটাও শুনে রাখো,' বলল জেসিকা। 'যদি ধরা পড়ি, ও নাকি কসম খেয়ে বসবে, চেনা তো দূরের কথা, জীবনে কোনো দিন দেখেইনি আমাকে। একেই তো বলে ভীতুর ডিম, তাই না?'

'বিচক্ষণ, বুঝলে,' সংশোধন করলেন পণ্ডিত, 'বিচক্ষণের ডিম।'

দক্ষিণ-পূর্ব ফ্রান্সের অন্যটিব অন্তরীপে রানা-সোহানার সঙ্গে এক সপ্তাহের জন্য বেড়াতে এসেছেন আদনান মুস্তফি ও তাঁর স্ত্রী, রানার চাপাচাপিতে উঠেছেন ওর ভাড়া করা ভিলার একাংশে।

কিন্তু কুকিয়ে দিয়ে চোখ তুলেই ভুরু কুচকে ফেললেন প্রফেসর।

'আরে! ওই দেখো, তোমাদের সেই উন্মাদ প্লেবয়টা এই দিকেই আসছে।'

উত্তেজনায় সারাক্ষণ যেন টপটপ করে ফুটেছে রিচি হাওয়ার্ড; বারের দিকে যাচ্ছিল, ওদনে দেখে সামান্য দিক পরিবর্তন করে প্রায় লাফাতে লাফাতে ছুটে এল। বছর তিনেক হলো একে দেখা যাচ্ছে ভূমধ্যসাগরের তীরেই বা বন্দরগুলোতে। হ্যান্ডসাম, সুবেশী, সুভাষী এবং ধনী—বয়স ত্রিশ থেকে পঁয়ত্রিশ। সুন্দর একটা ইয়টের মালিক। এই সব বন্দরনগরীর স্থানীয় অভিজাতদের সঙ্গে তো বটেই, নিয়মিত বেড়াতে আসা প্রায় সবার সঙ্গেই 'সর্ব্বব্যয় সম্পর্ক গড়ে নিয়েছে জনপ্রিয়, রসিক যুবক; বিশেষ করে মহিলাদের হৃদয়ের অনেকটা এলাকা দখল করে নিয়েছে একের পর এক বিলাসবহুল পার্টি দিয়ে। পাঁচ-ছয়টি ভাষায় অনর্গল কথা বলতে পারে, কোনটা যে তার মাতৃভাষা, বোঝা মুশকিল।

সব সময় রিচির সঙ্গে দেখা যায় লুকাস ম্যাকপিপকে। বের্টে-খাটো, মোটা এই লোকের সঙ্গে চেহারা বা চালচলনে কোনো মিল নেই প্লেবয়ের। বয়স কমবেশি চল্লিশ, কিন্তু এই বয়সেই গোটা মাথায় একটা চুলও নেই ওর—একেকবারে ফরসা। কথা কম বলে, ভাবলেশহীন চেহারা হাঙ্গির কথাও হাসি ফোটেনা। হাসিখুশি এক প্লেবয়ের সঙ্গে সারাক্ষণ এই লোক কেন, বোঝা যায় না। আচার-ব্যবহারে লোকটাকে রিচির কর্মচারী বা বডিগার্ড বলেও মনে হয় না। আবার বন্ধুও বলা যাবে না।

অবাক চোখে লোক দুজনকে দেখছেন প্রফেসর। দুদিন আগে এদের সঙ্গে পরিচয় হয়েছিল সোহানার সুবাদে, তবে হ্যালো-হাই পর্যন্তই, তার বেশি কিছু না। রানা-সোহানার মধ্যে উদ্ভ্রমের অভাব দেখে বুকে নিয়েছেন, ওরাও খুব ভালো করে চেনে না এদের। তাহলে? এত উল্লাস কিসের? নাকি লোকটাই এমন?

'সোহানা, ডার্লিং! খপু করে সোহানার একটা হাত ধরে বুকে চুমো দিল রিচি। 'দারুণ একটা আইডিয়া এসেছে আমার মাথায়! বন্ধলে। চলো, আমরা বিয়ে করে ফেলি। আগামীকালই। রীতিমতো সবাইকে ডেকে, জাঁকজমকের সঙ্গে। ওফ, দুর্দান্ত একটা ব্যাপার হবে! মারলিনের ক্যাপ্টেন হিসেবে ওখানেই সব ব্যবস্থা করব। রানা হবে আমার বেস্ট ম্যান, কনে সম্প্রদান করবেন প্রফেসর, ওর সুন্দরী স্ত্রী হবেন ব্রাইডসমেইড। কী মজা! শহরের সেরা প্রিন্টটাকে ধরে আনব; হানিমুন করব আমরা ইয়টে করে সারা দুনিয়া ঘুরে বেড়িয়ে। তুমি কী বলো, সুইট হার্ট?'

'আমি বলি, আর বিশটা বছর অপেক্ষা করো, রিচি, মাই বয়! আগে বিয়ের বয়স হোক তোমার।'

হা হা করে ঘর কাটিয়ে হেসে উঠল রিচি হাওয়ার্ড।

'এটা হয় না,' গম্ভীর মুখে বাগড়া দিল লুকাস, 'বিবাহিতা কেউ ব্রাইডসমেইড হতে পারেন না। মিসেস মুস্তফির পক্ষে কেবল মেট্রন অব অনার হওয়া সম্ভব।'

'সত্যি? চোখ কপালে তুলল রিচি, 'তাহলে তো সব ভেঙে গেল দেখছি! ঠিক আছে, কী আর করা! বিয়েটা নাহয় না-ই হলো, কাল রাতে আমার পার্টিতে এসো, তোমাদের সবার দাওয়াত। বন্দরের হোমরাচোমরা সবাইকে ডেকেছি! জমকালো পার্টি হবে

কাল। একেকবারে ফটাফাটি! আসবে তো?'

যুদু হাসি ফুটল রানার ঠোঁটে। 'তোমার সেই কোস্ট; স্বেচ্ছাচার পার্টির মতো না তো আবার?'

'আহ-হা!' কপাল চাপড়াল রিচি, 'সেই ডাকাতি! ফুন্ডার বাচ্চারা কেড়ে নিল আমাদের সবার সবকিছু!' মাথা নাড়ল এপাশ-ওপাশ, 'না, একই জায়গায় দ্বিতীয়বার হানা দেনা না হিনতাইকারীরা। এ রকম রেকর্ড নেই। কাজেই যত খুশি সোনাদানা, জুয়েলারি, হিরে বসানো কাফলিংক, চুনি বসানো বোতাম, সোনার চেইন পরে আসতে পারো, কোনো ভয় নেই তোমাদের কারও। কাল ঠিক আটটায়। আসবে তো?'

'পরে জানাচ্ছি তোমাকে,' জবাব দিল সোহানা। 'আর, আমন্ত্রণের জন্য অসংখ্য ধন্যবাদ।'

এতক্ষণ সোহানার হাত ছেড়ে দিল রিচি। 'লুকাস আর আমি বারে গিয়ে একটা ড্রিংক নেব। তোমরা এই পর্ব শেষ করে আমাদের সঙ্গে যোগ দিলে খুবই খুশি হব।' কথা শেষ করে বারের দিকে ফিরল সে।

রওনা হওয়ার আগে রানা ও সোহানার দিকে বুকল লুকাস। বলল, 'পার্টির ভেন্যুটা জানেন? করোম্যাডেল, হুঁ। কার ইস্টের কার্পেট, ড্রেপারি, ধূপ-ধূনো, তৈজস, চেউথেল্যানো কুঁচি দেওয়া পর্দা—ভাবতেই পারবেন না ফ্রান্সে আছে, হুঁ। ছাদ-খোলা টেরেস লাউঞ্জ থেকে সাংগর দেখা যাবে।' মাথা কুঁচিয়ে বাউ করে চলল সে রিচির পিছু নিয়ে।

'ভেন্যু...' নিচু গলায় আপন মনে উচ্চারণ করলেন প্রফেসর। 'কী অল্পত স্বার্থবোধক, আঠালো একটা শব্দ! যাকগে, এই দুজনকে কিন্তু পাশাপাশি মানাচ্ছে না, হুঁ।'

হেসে উঠল সবাই।

'রিচি হয়তো ওর বাড়াবাড়ি সামাল দেওয়ার জন্য এই লোকটাকে সঙ্গে রাখে,' বলল সোহানা।

'কোষ্টা স্বেচ্ছাচার পার্টিতে কী হয়েছিল?' জানতে চাইল জেসিকা। 'সত্যিই কোনো...'

'হ্যাঁ,' মাথা সোঁকাল রানা। 'রিচির পার্টি থেকে হিনতাই হয়ে গিয়েছিল সবার টাকা-পয়সা, রত্ন, অলংকার। এই একই দল আলাদা তিন জায়গায় একইভাবে আরও তিনটে ডাকাতি করেছে এ বছর। মতোশ পরে আসে, ছয়-সাতজন, অস্ত্র উঠিয়ে নিয়ে যায় যার স্ন আছে। আট-দশ লাখ ডলারের অলংকার কেড়ে নিয়ে স্পিডবোর্টে করে হারিয়ে যায় সাগরে।'

'বাধা দেওয়ার চেষ্টা করেনি কেউ?' বিভ্রান্ত দেখাল জেসিকাকে।

'করেছে। ওর ক্রুদের মধ্য থেকে একজন প্যালেয়ান কিসিমের লোক পাহারায় ছিল অঘটন ঠেকানোর জন্য। তোকর পথেই ডাকাতিদের বাধা দিয়েছিল লোকটা। পারে গুলি করে তাকে অচল করে দিয়েছিল ওরা। আর কেউ কিছু করার সাহস পায়নি।'

'আমারও সাহস হতো না,' বললেন প্রফেসর। 'সবার আগে মাথার ওপর হাত তুলে দাঁড়াতেমু যাকগে,' সোহানার দিকে ফিরলেন তিনি, 'যদি রিচি লোকটার পার্টিতে যাওয়া হয়, তাহলে কারা যাবে, কী পরে যাবে, সেসব জেসিকাকে বুঝিয়ে দেওয়ার দায়িত্ব কিন্তু তোমার। আমি ওসব একদম বুঝি না।'

হাসল সোহানা। বলল, 'ঠিক আছে। রানা।'

'আমি যাওয়ারই পক্ষে,' বলল রানা। 'পার্টি শ্রো করে কেউ যদি তার আনন্দের ভাগীদার করতে চায়, নেহাত অপারণ না হলে যাওয়ারাই ভ্রত। প্রত্যাখ্যান করা ঠিক হবে মনে করি না।'

'বেশ, তাহলে যাচ্ছি আমরা।'

খালি চেয়ার-টেবিলের ওপর একবার নজর বুলিয়ে শিরদাঁড়া খাড়া করলেন আদনান মুস্তফি। 'সবাই চলে গেছে। টেবিলরুখ গোটাচ্ছে, আর মস্ত বড় বড় হাই তুলছে বেয়ারাগুলো। ইঙ্গিতটা যথেষ্ট সাউন্ড অ্যান্ড ক্রিমার মনে হচ্ছে না?'

'হ্যাঁ,' উঠে দাঁড়াল রানা। 'এবার কেটে পড়া উচিত। আদনান ভাই, তোমরা দুজন বেরিয়ে কার পার্কের দিকে হাঁটতে থাকো, আমি আর সোহানা বারে গিয়ে ইনভিটেশন অ্যাকসপ্ট করে আসছি।'

'সবাই একসঙ্গে গেলে কী অসুবিধা?' জানতে চাইল জেসিকা।

'তাহলে আটকে দেবে,' বলল রানা, 'বার বন্ধ না হওয়া পর্যন্ত বেরোতে পারব না আমরা কেউ। কী রকম নাছোড়বাদী লোক দেখলে না? আমার হবু বউকে বিয়ে করে ফেলতে চায়! তোমরা পাড়ির দিকে রওনা হয়ে গেলে ছুতো দেখিয়ে বেরিয়ে আসতে



গর্ভে উঠল রিক্সবার

পারব, আটকাতে পারবে না।’

‘ও, আচ্ছা, বুঝতে পেরেছি,’ বলে উঠে দাঁড়াল জেসিকা। বীর পায়ে বেরিয়ে গেল স্বামীর হাত ধরে রেস্তোরার ব্যাট উইং টেলে।

আবহাওয়াটা কেমন ভেজা-ভেজা, গরম; তাই সূতির একটা হাসকা জ্যাকেট পরেছেন আদনান। বোলেনদের একপাশ দিয়ে আবছা আঁধার রাস্তা ধরে স্ত্রীকে নিয়ে চলেছেন পেছনের কার পার্কের দিকে। ডরপেট খেয়ে মৃদুমন্দ ব্যতাসে ফুরফুরে মেজাজে হাঁটছেন প্রফেসর, জেসিকার মুখের দিকে চেয়ে ওর ভেতরের আনন্দ টের পেলেন পরিষ্কার। পরমুহূর্তে খচ করে কাঁটা বিধল বুকে। এইবারই শেষ। আর কোনো দিন হয়তো এইভাবে ওকে নিয়ে বেড়াতে বের হওয়া সম্ভব হবে না। জেসিকাও আন্দাজ করেছে, ওদের পূজি শেষ হয়ে এসেছে। এরপর অন্ধকারের দিকে চেয়ে কাটবে ওদের নিরানন্দ দিন। আর কখনো জেসিকার মুখটা বলমল করে উঠবে না উচ্ছ্বাসে, আনন্দে। এখন একটু যেন অনুশোচনাই হচ্ছে।

নিজের ওপরই রাগ হলো ওঁর এসব ভাবছেন বলে। আত্মগোপন, আক্ষেপ ওঁকে অন্তত সাজে না—বেহিনাবি খরচ করেছেন তিনি ঠিক, কিন্তু সেটা ভালোবাসার জন্য, অন্তরের তাগিদে। জেসিকা যদি ওঁর মনের অবস্থা টের পেয়ে যায়, সব আনন্দ মাটি হয়ে যাবে বেচারির। ওকে আলতো করে জড়িয়ে ধরে বললেন, ‘কেমন লাগছে, ডার্লিং? ভালো?’

‘খুব ভালো,’ মাথা ঝাঁকাল জেসিকা। ‘রানা-সোহানাকে আমার সব সময়ই ভালো লাগে। মনে হয়, মানুষকে আপন করে নিতে জানে ওরা—নিঃস্বার্থভাবে। ওদেরকে মনে হয় আত্মার আত্মীয়, তাই না?’

‘সত্যি,’ বললেন অ্যাবসেন্ট মাইন্ডেড প্রফেসর, ‘এ রকম মানুষ হয় না। দুজন মিলেছে যেন সোনায় সোহাগা।’

‘হ্যাঁ, আমাদের দুঃসময়ে যেভাবে ওরা পাশে এসে দাঁড়িয়েছিল, অথচ একবিন্দু করুণা বিতরণ করেনি...’ থেমে গেল জেসিকা, কারণ হঠাৎ ধমকে দাঁড়িয়েছেন আদনান, সারা শরীর শক্ত হয়ে গেছে।

‘খোদা!’ নিচু কণ্ঠে বলে উঠলেন আদনান, ‘কী হচ্ছে ওখানে।’

ওদের থামাতে হবে। জেসিকা, তুমি রানাকে ব্বর দাও, জলদি!’ কথাটা বলতে বলতে ওকে ঘুরিয়ে দিয়েছেন তিনি, ওর পিঠে মৃদু ঠেলা দিয়ে বললেন, ‘যাও... আমি দেখি...’

একটি কথাও না বলে দৌড় দিল জেসিকা, সামনে বাড়িয়ে রেখেছে হাত দুটো। শিশু দেওয়ার উদ্দেশ্যে ঠোঁট গোল করে হালকা এক ধরনের শব্দ করছে, শোনা যায় কি যায় না। সামনে কেউ বা কিছু থাকলে শব্দটা ধাক্কা খেয়ে ফিরে আসবে, ধরা পড়বে ওর কানে। এ ছাড়া যে পথ ধরে এদিকে এসেছে, তার একটা সূক্ষ্ম ছাপ রয়ে গেছে ওর অনুভূতিতে, রেস্তোরার দরজায় পৌছাতে পারবে অন্যায়সে। ভেতরের ভয় চেপে রেখে প্রাণপণে দৌড়াচ্ছে জেসিকা, টের পেয়েছে, খুব ধারণা কিছু ঘটছে পার্কিং লটে। না-জানি এখন কী করছে আদনান!

দুটো গাড়ি দাঁড়িয়ে, রানার কনজার্টবলের পাশেরটা খুব সম্ভব রিচি হাওয়ার্ডের। ওটার পাশেই একজন লোককে ধড়াস করে মাটিতে পড়তে দেখেছেন প্রফেসর। দেয়ালে লাগানো একটা বাতির আলোয় টাকটা ঝিলিক দিয়ে ওঠায় তাঁর মনে হয়েছে, লোকটা লুকাস ম্যাকপিল হতে পারে। কয়েক পা এগিয়েই টের পেলেন, আক্রমণকারী আসলে দুজন। হাসকা-পাতলা লোকটা তামাশা দেখছে, আর তাগড়া লোকটা লাথির পর লাথি চালাচ্ছে মাটিতে পড়ে যাওয়া লোকটার গায়ে যততর। মেরেই চলেছে।

এক মুহূর্ত দ্বিধা করলেন প্রফেসর। মারপিটের কোনো অভিজ্ঞতা নেই, তাই সব সময় চরম কিছু করনায় ভেসে ওঠে। চামড়া ফুঁড়ে শরীরে ছোরা চুকছে, কিংবা বুলেট ছুটে এসে হাড়ের গায়ে হাতুড়ি পিটছে ভাবলেই তলপেট খামচে ধরে প্রচণ্ড উয়। ভয় লাগছে তাঁর। কিন্তু পরিচিত একজন পড়ে পড়ে মার খাচ্ছে দেখলে না এগিয়ে পারা যায় না—দৌড় দিলেন তিনি গাড়ির দিকে।

শেষ কয়েক গজ প্রায় উড়ে গেলেন আদনান। দাঁড়ানো লোকটা দেখতে পেয়ে সাবধান করল সঙ্গীকে, কিন্তু ততক্ষণে পৌঁছে গেছেন তিনি। হ্যাঁ, লুকাসই। রক্ত দেখতে পেলেন তিনি ওর নাকে-মুখে, শাটে, কলারে। আরেক লাথি তুলেছিল তাগড়া জওয়ান লোকটা ধরাশায়ী লুকাসের উদ্দেশ্যে, দড়াম করে একটা

লাথি হাঁকালেন তিনি ওর তলপেট লক্ষ্য করে।

বেকায়দা লাথি খেয়ে কেঁউ করে উঠল লোকটা, মাথা নিচু করে টলোমলো পায়ে ভারসাম্য রাখা করার চেষ্টা করছে। মাথাটা সহজ টার্গেট, কিন্তু রানার একটা কথা মনে পড়ল : প্রতিপক্ষের মাথায় ঘুঘি মেরো না, হাড়ের সঙ্গে হাড়ের সংঘর্ষে বেশি ব্যথা পাবে তুমিই। ওসব কেবল টিভিতেই মানায়।

এক পা এগিয়ে জুতো চপ মেরে দিলেন তিনি লোকটার ঘাড়ের পাশে, তারপর বিস্মিত দৃষ্টিতে প্রত্যক্ষ করলেন ফলাফলটা। দুই কদম পিছিয়ে পড়ে গেল সে, পতন ঠেকাল দুই হাতের তালু আর দুই পায়ের হাঁটু দিয়ে। আরেক লাথিতে স্ট্রেক গুয়ে পড়ল সে জানহারা লুকাসের পাশে।

এইবার চোখ গেল তাঁর দ্বিতীয় দুর্বৃত্তের দিকে। এগিয়ে আসছে লোকটা, কোমর থেকে শরীরের ওপরের অংশ সামান্য ভাঁজ করে রেখেছে। আলো লেগে মিক করে উঠল ওর হাতে ধরা ছোয়ার ফলা। এবার ভয় নয়, নিখাদ আতঙ্কে জমে গেল প্রফেশনের কলজেরটা। চমকে উঠেছে পেটের নাড়িভূঁড়িগুলো। দরদর করে ঘাম বেরিয়ে কুলকুল করে নামছে তাঁর বুক-পিঠ দিয়ে। কল্পনায় দেখতে পাচ্ছেন : তীক্ষ্ণধার ছোরাটা ভাঁজ করে ঢুকে পড়েছে পাঞ্জরের ফাঁক গলে, এখন কচকচ করে কাটছে তাঁর লিভার, ফুসফুস ও কর্ণপিণ্ড। পা দুটো উসখুস করছে দৌড় দেওয়ার জন্য।

রানার আরেকটা মন্তব্য মনে এল : চুপচাপ দাঁড়িয়ে থাকলে বা পালানোর চেষ্টা করলে ঘায়েল হয়ে যাবে প্রতিপক্ষের হাতে। কিন্তু পারো না-পারো, যদি একটু প্রতিরোধের ভঙ্গি নাও, তাহলে বলা যায় না, সে-ই হয়তো পিছিয়ে যাবে, কিংবা পালানোর চেষ্টা...

ডান হাত ঢুকে গেল জ্যাকেটের ভেতর, সড়াং করে সরু একটা শক্ত জিনিষ বের করে আনলেন তিনি বুকের কাছ থেকে। মুঠোর ভেতর তীক্ষ্ণধার স্টিলেটোর মতো কিছু একটা দেখতে পেয়ে ধমকে গেল অক্রমণকারী। তাকে পা দুটো সামান্য ভাঁজ করে একটু ঝুঁকে ওস্তাদ নাইফ-ফাইটারের ভঙ্গি নিতে দেখে কেটে পড়বে কি না ভাবল সে একবার।

এসব ভঙ্গি করতে গিয়ে লজ্জাই লাগছে প্রফেশনের, নিজের প্রতিটি ভঙ্গি দেখতে পাচ্ছে তাঁর নিরাসক্ত মন। ডান হাতটা অক্রমণাত্মক ভঙ্গিতে আঙুলিছুর করছেন, বীভৎস এক টুকরো হানিতে বেরিয়ে পড়েছে দাঁত, একবার ডানে সরছেন, একবার বায়ে—কখন যে ছুরি চালাবেন, তার ঠিক নেই। প্রথমে একটু ধমকে গেলোও আবার এক ইঞ্চি দুই ইঞ্চি করে সার্বধানে এগোতে শুরু করল ছোরাধারী। সামনের তাগড়া লোকটাও নড়েচড়ে উঠে দাঁড়াচ্ছে এখন। হতাশায় ছেয়ে গেল তাঁর মন—এ যাত্রা রক্ষে নেই আর। বিশ্বাসের প্রথম ধাক্কা কেটে যাচ্ছে দ্রুত, ধাক্কা দিয়েও আর ঠেকানো যাবে না ওদের। আর কোনো কৌশল জানা নেই ওর।

পা দুটো আপনাপ্রাণি বাকি থাকছে, পালাতে চায়। লুকাসের কাছ থেকে কোনো সাহায্য আশা করা যায় না। দাঁত-মুখ ঝিচিয়ে ভয়ঙ্কর ভঙ্গিটা ধরে রাখাও মুশকিল হয়ে উঠেছে। অনেক কষ্টে ঘুরে দৌড় দেওয়া থেকে বিরত রেখেছেন নিজেকে। লুকাসকে এই অবস্থায় ফেলে মাওয়া যায় না। বীরপুরুষের অভিনয় করে যেতে হবে যতক্ষণ পারা যায়, তারপর যা থাকে রূপালে।

পেছনে মৃদু খসখস শব্দ শুনে সচকিত হলেন আদনান। আরও লোক আছে নাকি! পরমহুর্তে সামনের ছুরিওয়াল লোকটার চোখে দেখতে পেলেন নিখাদ আতঙ্ক। কানের পাশে সোহানার কণ্ঠ সনতে পেলেন, 'ঠিক আছে, আদনান ভাই। এবার একটু সরে দাঁড়াও দেখি।'

নিঃশব্দে ছায়ার মতো এগিয়ে এসেছে ওরা দুজন। লাফিয়ে ডিঙাল লুকাসের দেহটা, তাঁর দু পাশ দিয়ে এগিয়ে এল সামনে। সোহানা নিল ছোরাওয়ালার ভার, রানা উড়ে চলে গেল লম্বা-চওড়া শুভাটার দিকে। কাঁপা একটা দীর্ঘশ্বাস ছেড়ে টিল করলেন প্রফেশনর বেশিগুলো, গুয়ে পড়তে ইচ্ছে করছে, কিন্তু কোনামতে খাড়া রাখলেন নিজেকে।

দেখলেন, বিদ্রূপ-বেগে ছোরা চালাল লোকটা। কোমরটা সামান্য বাকিয়ে অনায়াস ভঙ্গিতে আঙুলের বাইরে, এক পাশে সরে গেল সোহানা। ছোরাটা দুই ইঞ্চির জন্য ছুঁতে পারল না ওর বুকের ঝাঁটা। এইবার খোলা হাতে তালুর মাংসল জায়গাটা দিয়ে প্রচণ্ড আঘাত হানল সোহানা লোকটার চিবুকের নিচে। ধাক্কার পেছনে দৌড়ের বেগ থাকায় জোর বাকি খেল লোকটার মাথা, মাটি ছেড়ে কয়েক ইঞ্চি ওপরে উঠে গেল পা, তারপর ধড়াস করে

পড়ল চিত হয়ে। ছোরাটা ছিটকে চলে গেল কয়েক হাত দূরে।

ততক্ষণে পাশ ফিরে ঝুঁকে লুকাসের জখম পরীক্ষা করছে সোহানা। সেই ফাঁকে রানার দিকে চাইলেন প্রফেশনর। বিশালদেহী লোকটার জন্য রীতিমতো দুঃখই হলো তাঁর। আগেই আবছাভাবে নজরে পড়েছে, রানা-সোহানাকে ছুটে আসতে দেখে সঙ্গীকে ফেলে পালানোর চেষ্টা করেছিল লোকটা, কিন্তু পেছন থেকে ওর কোট ধরে ফেলে রানা। দুই হাতে সমানে ঘুঘি চালাচ্ছে এখন, কেঁপে কেঁপে উঠছে লোকটার শরীর। যখন নেতিয়ে পড়ল, তখন এক হাতে ওর কলার ধরে দেয়ালের সঙ্গে ঠেসে রেখে অন্য হাতে ধীরেসুস্থে সার্চ করল রানা ওকে। কোটের নিচে শোভার হোলস্টার থেকে বের হলো একটা রিভলবার। কলারটা ছেড়ে দিতেই কাত হয়ে পড়ে গেল লোকটা মাটিতে; নড়ছে না, সম্ভবত জ্ঞান হারিয়েছে।

সোজা হয়ে প্রফেশনের দিকে ফিরল সোহানা। চোখে তাজ্জ্বব হয়ে যাওয়া দৃষ্টি। 'আরে, আদনান ভাই, তুমি আবার কবে থেকে সঙ্গে চাকু রাখতে শুরু করলে?'

নিজের খুঁটি করা হাতের দিকে চাইলেন আদনান, তারপর মূর্তি খুলে দেখালেন বলপেনটা। 'কিছুক্ষণ ঠেকিয়ে রাখার চেষ্টা আর কি।'

হেসে উঠল সোহানা। 'কিন্তু দেখে তো মনে হচ্ছিল এক্সপার্ট নাইফ-ফাইটার! এই ভাবভঙ্গি কোথেকে শিখলে?'

'কোথায় আবার—টিভি থেকে!'

হেসে উঠল রানাও। বলল, 'দারুণ দেখিয়েছ কিন্তু, আদনান ভাই! এবার ভাবির কাছে যাও। দৃষ্টিভঙ্গি মাথা খারাপ হয়ে গেছে চোরাটির। আবেলাতাবোলা বকছিল।'

রওনা দিলেন আদনান, তবে মাঝামাঝি গিয়ে থামতে হলো। ড্রাইভওয়ে থেকে বাঁক ঘুরে দৌড়ে আসছে জেসিকা, পাশে দৌড়াচ্ছে রিচি হাওয়ার্ড, পেছনে দু-তিনজন বেয়ারা। দূর থেকেই উঁচু গলায় ডাকল জেসিকা, 'আদনান! সোহানা, ও ভালো আছে তো?'

'একটা স্মাচড়ও লাগেনি,' জবাব দিলেন আদনান। স্বামীর গলা তনে সামান্য দিক পরিবর্তন করে ছুটে এসে জড়িয়ে ধরল তাঁকে জেসিকা।

'কী ব্যাপার, কী হচ্ছে এখানে?' জিজ্ঞেস করল রিচি হাওয়ার্ড। 'দুজন লোক পিঁটিয়ে আধমরা করে ফেলেছে আপনার বন্ধু লুকাস ম্যাকপিলাকে। সোহানার ধারণা, খুব বেশি জখম হননি উদ্ভলোক, আপনি দেখুন গিয়ে।'

রিচি দৌড়ে দিল গাড়ির দিকে, পিছু পিছু গেল তিন বেয়ারা। আদনানকে শক্ত করে জড়িয়ে ধরে বৃকে গাল রাখল জেসিকা, 'কী ঘটছে কিছুই বুঝিনি আমি, কিন্তু সেটা যে উন্নয়নক কিছু, তা টের পেরেছি তোমার ভয় দেখে।'

'ভয়?'

'হ্যাঁ। যখন তুমি থেমে দাঁড়িয়ে ওদের ডাকতে পাঠালে, তখন তোমার গায়ে ভয়ের গন্ধ পেরেছি আমি।'

কথাটা শুনে আদনান অবাক হলেন না, বিরক্ত তো নয়ই। তিনি জানেন, জেসিকা বাস করে স্বাদ, গন্ধ, শব্দ ও স্পর্শের জগতে। অন্ধত্বের কারণে এই চারটি-ইঞ্জিরই ব্যবহার করতে হয়েছে বেশি বেশি, তাই অনুভবক্ষমতা অনেক বেড়ে গেছে এগুলোয়। দেখা গেছে, জেসিকার স্মরণশক্তি অনেক সময় কুকুরকেও হার মানিয়েছে।

'ওই শুভাগুলো,' আবার বলল জেসিকা, 'তোমার...তোমার কি ওদের সঙ্গে মারামারি করতে হয়েছে?'

'সামান্য,' বললেন প্রফেশনর। তারপর হেসে উঠলেন। 'দাঁড়াও, এক্ষুনি সনতে চেরো না। একটু সময় পেলেই দেখবে মারপিটের কী রকম দুর্ভর্য কাহিনি দাঁড় করিয়ে ফেলি। আর, কটা দিন সুযোগ পেলে তো এমন বর্ণনা দেব, বিশ্বযুদ্ধের পর আমার এই মরণপণ বৃদ্ধটাই দ্বিতীয় স্থান দখল করে নেবে ইতিহাসে। তবে তোমাকে চুপি চুপি বলছি : ফাইট হয়েছে, কিন্তু ছোরাছুরি হয়নি। একটা বলপেন দিয়ে ঠেকিয়ে দিয়েছি ওদের ছোরা।'

'বলপেন দিয়ে?'

'এই জন্মই তো কথায় বলে : অসির চেয়ে মসি বড়।' সংক্ষেপে সব জানালেন তিনি স্ত্রীকে। 'সত্যি বলতে কি, ওদেরকে আমার ভালো বদমাশ মনে হয়নি—শ্রেফ দুই নম্বর। অ্যাশেচার। রানা-সোহানা পৌছে এক মিনিটেই ঠাড়া করে দিয়েছে।'

'ওরা ঠিক আছে তো?'

উত্তর দেওয়ার আগেই রানার বেস্টলি কনভার্টবল স্টার্ট নিল, হেডলাইট জ্বল উঠল; তিন সেকেন্ডের মধ্যে এসে দাঁড়াল ওটা আদানান-জেসিকার পাশে।

'চলে এলে যে?'

'লুকাসের জ্ঞান কিরে আসছে,' বলল সোহানা, 'এখন রিচি করবে যা করার। এখানে দেরি করলে ফ্রেক্স পুলিশের খপ্পরে পড়ে যাব, স্টেটমেন্ট নিতে নিতে একেবারে বুড়ে করে ছেড়ে দেবে।'

পেছনের দরজা মেলে ধরলেন প্রফেসর জেসিকা উঠবে বলে, ঠিক তখনই লক্ষ করলেন, রানা-সোহানা কৌতুকের দৃষ্টিতে তাঁর দিকে চেয়ে মুচকি হাসছে। বিব্রত বোধ করলেন তিনি। 'দেখো!' তর্জনী তুলে শাসালেন তিনি, 'খবরদার, এ নিয়ে কোনো গল্প বানাতে না! দেহাই লাগে তোমাদের। পালিয়ে যে যাইনি, তার একমাত্র কারণ, পা দুটো বিট্টে করল, কিছুতেই নড়তে চাইল না।'

'বাজে কথা বোলো না,' ফুসে উঠল জেসিকা, 'ওরা ওকে লাথির পর লাথি মারছে দেখেও তুমি ছুটে গেছ সাহায্য করতে! এরপর তো চেষ্টা করেও নিজেকে খাটো করে দেখাতে পারবে না। আমার ধারণা, দুর্দান্ত সাহসের পরিচয় দিয়েছ তুমি, আদানান। তুলনাহীন!'

'ওধু তা-ই না,' বলল সোহানা, 'পাক্সা ছোরবাজের পোজ নিয়ে নেকডের মতো দাঁত বের করে যে রকম চাপা গর্জন ছাড়ছিল—ভাগ্য ভালো যে দূর থেকে চিনতে পেরেছিলাম, তা নইলে তো আমরা দুজনই হার্টফেল করতাম।'

দুই

জামার পেছনে জিপার ফেসে যাওয়ার ওটার সঙ্গে যুক্ত করছিল সোহানা, এমন সময় নক করে ওর ঘরে ঢুকল রানা। এগিয়ে এসে ওটা ছাড়িয়ে দিল, তারপর একটা ইঞ্জিনের বসে আনমনে চেয়ে রইল সাগরের দিকে।

ড্রেস খুলে বাধকময় ঢুকল সোহানা, দুই মিনিট পর ঘেরিয়ে এল গলা থেকে পা পর্যন্ত ঢাকা আকাশি নীল রঙের একটা ড্রেসিং গাউন পরে। রানাকে প্রশংসার দৃষ্টিতে চাইতে দেখে হাসল মুদু হাসি। 'জিজ্ঞাস করল, 'কী ভাবছ, রানা?'

'এবার আদানান ভাইয়ের মধ্যে আগের সেই প্রাণবন্ত, উজ্জ্বল ভাবটা দেখছি না,' বলল রানা। 'কেমন যেন চুপচাপ মনমত্ত হয়ে গেছে হাসিখুশি মানুষটা। তুমি কিছু জানো?'

'আমিও লক্ষ করেছি,' চেয়ারের হাতলে বসল সোহানা, 'কী যেন নিভে গেছে মানুষটার ভেতর। কথায় কথায় জেসিকার কাছ থেকে একটু একটু করে বের করেছি আসল ঘটনা। ব্যাপার আর কিছু নয়—টাকা।'

'টাকা?' অবাক হলো রানা। 'টাকার অভাব তো ছিল না আদানান ভাইয়ের? শুনেছিলাম, ইউনিভার্সিটির বেতন তো আছেই, তার ওপর কয়েকটা পাঠ্যবই লিখেছেন; নিয়মিত ভালো টাকা আসে রয়্যালটি থেকে।'

'আসত,' বলল সোহানা, 'এখন আর আসে না। এখন মাসিক বেতনটাই একমাত্র উপার্জন। বিয়ের পর থেকে লেগে আছে আদানান ভাই জেসিকার অক্লান্ত বোচানোর ব্যর্থ চেষ্টায়। কোথায় না গেছে ওকে নিয়ে। জার্মানি, সুইডেন, জাপান, আমেরিকা, সাউথ আফ্রিকা, সিঙ্গাপুর... যেখান থেকে কেউ একটু আশ্বাস দিয়েছে, ছুটে গেছে সেখানেই। জেসিকার বাবাও অনেক চেষ্টা করেছিলেন, ফল হয়নি। অনেক বারণ করেছে জেসিকা। কিন্তু কারও কথা শুনবে না কিছুতেই। শেষমেশ আমেরিকার এক চকু বিশেষজ্ঞের কথায় ওখানে নিয়ে গিয়ে একটা প্রাইভেট নার্সিং হোমে ভর্তি করে ছয় সপ্তাহ চিকিৎসা করিয়েছিল। দেড় মাসে বিশ হাজার ডলার খরচ করার পর তারা জানিয়ে দিল: কিছুই করার নেই, এ চোখ ভালো হওয়ার নয়।'

জানালায় ধারে গিরে দাঁড়াল রানা। 'মেয়েটাকে মনেপ্রাণে ভালোবাসে, তাতে কোনো সন্দেহ নেই। সত্যি কি কড়ুর হয়ে গেছে মানুষটা?'

'আমি যত দূর জানি, অনেক টাকা লোন নিয়েছিল ব্যাংক থেকে। রয়্যালটির সব টাকা চলে যাচ্ছে ইনস্টলমেন্ট শোধ করতে, আরও কয়েক বছর রয়্যালটির একটি পরিস্রোলে ঘরে আসবে না। সারের বাড়িটাও যাবে বন্ধকের টাকা শোধ করতে না পারলে।' কাঁধ ঝাঁকাল সোহানা। 'জেসিকার নিজস্ব কোনো আয়-রোজগার বা জমানো টাকা নেই। ফলে ভালো গ্যাডাকলেই ফেসেছে ওরা।

সবচেয়ে খারাপ ব্যাপার হচ্ছে, এই সবকিছুর জন্য জেসিকা দায়ী মনে করে নিজেই।' একটু থেমে আবার বলল ও, 'এটা কী রকম ব্যাপার হলো তো, বন্ধু বা আপনজন, যাদের তুমি ভালোবাসো, তারা তোমার কাছ থেকে সব রকম সাহায্য নিতে প্রস্তুত, কিন্তু টাকা দিতে যাও—অপমান বোধ করবে! ওদের দেনা শোধ করে দেওয়া আমাদের জন্য কিছুই না, কিন্তু...'

'হ্যাঁ, কিন্তু,' মাথা নাড়ল রানা, 'আমরা কেউ যদি টাকা দিতে চাই, কিংবা সামান্য ইঙ্গিতও দিই, তিরতরে হারাব ওদের। যাকগে, ভেবো না। বিপদ আসে, আবার কীভাবে যেন কেটেও যায়।'

'কেটে গেলেই ভালো,' বলল সোহানা, 'আর্থিক দুরবস্থায় পড়লে মানুষের মন ছোট হয়ে যায়। আমরা দাওয়াত করে খাওয়ালে তারা যদি খাওয়াতে না পারে, আলগোছে কেটে পড়ে, হারিয়ে যায়। আমরা বন্ধু হারাই।'

মুখ কালো করে চুপচাপ বসে থাকল রানা কয়েক মুহূর্ত। 'ভালো কথা,' হঠাৎ প্রসঙ্গ পরিবর্তন করল ও, 'আজ রাতে লুকাসের ব্যাপারটা তোমার কী মনে হলো?'

'কী মনে হলো মানে?' একটু অবাক হলো সোহানা, 'এ রকম তো হরহামেশাই হচ্ছে। বারে চুকে রিচি দেখল সিগারেট আনতে ভুলে গেছে, লুকাস গেল গাড়ি থেকে প্যাকেট আনতে; অমনি কবলে পড়ল ফিনতাইকারী—এই রকম কিছু একটাই তো হবে।'

'কিন্তু ফিনতাই হয়নি কিছু। ওকে পেটানো হচ্ছিল। কেন?'

হাতের তালু দিয়ে চিবুক ঘষল সোহানা। 'তাই তো! আসলে অনুমান করার মতো যথেষ্ট তথ্য নেই আমাদের হাতে। খোঁজ নেওয়া দরকার মনে করছ?'

'না,' একটু যেন বেশি তাড়াতাড়ি জবাব এল, 'এটা তেমন গুরুত্বপূর্ণ কিছু নয়। ভাবছিলাম... নিছক কৌতুহল।'

কয়েক সেকেন্ড রানার মুখের দিকে চেয়ে থাকল সোহানা। কিছু যেন আঁচ করতে চাইছে। রানা বিদায় নেওয়ার পর কেন যেন ওর মনটা ভালো হয়ে গেল। মনে হলো, একটা বোঝা নেমে গেছে ওর কাঁধ থেকে, আরেকটা বলিষ্ঠ কাঁধ সে আর তুলে নিয়েছে। ওর আর চিন্তা না করলেও চলবে।

তিন

পরদিন দুপুর। বড়সড় পাওয়ারবোর্ডের স্টার্নে বসে আছেন প্রফেসর আদানান। তাকিয়ে আছেন প্রায় দেড় শ ফুট লম্বা টো-রোপের দিকে। রশির শেষ প্রান্তে সাগর থেকে বাট ফুট ওপরে উজ্জ্বল রোদে বলমল করছে বিশাল একটা ঘুড়ি।

ওখানে ট্র্যাপিজ বার দুহাতে আঁকড়ে ধরে বুলছে মাসুদ রানা, পায়ে স্নালোম স্কি। ওর পিঠে চড়ে উড়ছে জেসিকা—দুহাতে জড়িয়ে ধরে আছে রানার গলা। স্ট্রীর মুখটা দেখতে পাচ্ছেন আদানান রানার কাঁধের ওপর: নির্মল আনন্দে হাসছে জেসিকা, আগে কখনো এই অভিজ্ঞতা হয়নি ওর।

এক হাত তুলল রানা টো-রোপ রিলিজ সিয়রের দিকে। তাঁকে উইঙ্ক ঘুরিয়ে আরও দড়ি ছাড়তে বলছে। আদানান দেখতে পাচ্ছেন, দুই পায়ে আরও জোরে রানার কোমর জড়িয়ে ধরল জেসিকা, তারপর একটা হাত নাড়ল তাঁর উদ্দেশ্যে। প্রত্যুত্তরে হাত নাড়তে গিয়েও থেমে গেলেন আদানান, ভুলেই গিয়েছিলেন: জেসিকা দেখতে পারে না।

এক হাতে বোর্ডের হুইল ধরা, ঘাড় ফিরিয়ে চেয়ে রয়েছে সোহানা ঘুড়িটার দিকে—যেকোনো পরিস্থিতির জন্য প্রস্তুত। টো-রোপ ছাড়তে ছাড়তে গলা চড়িয়ে বললেন প্রফেসর, 'দেখো, দেখো! কী ফুর্তি! মহা আনন্দে রয়েছে এখন জেসিকা!'

'তুমিও চেষ্টা করে দেখো না, আদানান ভাই! মজা লাগবে। মনে হবে প্যাম্পেনের দেশ!'

'তার চেয়ে এক বোতল ব্র্যান্ডি পেলে আরও বেশি খুশি হব,' বললেন প্রফেসর, 'এটা বিপজ্জনক মজা।'

সাঁ করে নেমে এল ঘুড়িটা পোর্ট সাইডে, রানার স্কি যখন পানি ছোঁয়-ছোঁয়, তখনই থ্রটল খুলে দিল সোহানা আরও। দুই সেকেন্ডে আশি ফুট ওপরে উঠে গেল ঘুড়িটা ডান দিকে, স্টারবোর্ড সাইডে।

থ্রটল কমিয়ে সোহানা বলল, 'বোতলে এই আনন্দ পাবে না, আদানান ভাই।'

আদানানের চোখ তখন অন্যদিকে। 'ওই দেখো, তোমার হবু বর রিচি হাওয়ার্ড আসছে এই দিকে!'

চট করে একবার ওর দিকে চেয়েই সিদ্ধান্ত নিল সোহানা : ফুডিটা নামিয়ে আনতে হবে। রিচি আর ফুডি, দুটো একসঙ্গে সামালানো ওর পক্ষে সম্ভব নয়।

রানার দিকে একবার হাত নেড়ে স্পিড কমাল সোহানা। বোটের নাকটা এখনো বাতাসের দিকে তাক করা। ধীরে ধীরে নেমে এল ফুডি। রানার স্মি সাগর স্পর্শ করল। কয়েক সেকেন্ড ভেসে থেকে ঝপাং করে পানিতে ডুবে গেল রানা জেসিকাকে পিঠে নিয়ে। সিলিভারের মতো দেখতে দুটো ফ্লোট ভাসিয়ে রাখল ফুডিটাকে। পলিপ্রপিলিন টো-রোপ ভাসছে পানিতে।

রশি গুটিয়ে ফুডিটাকে কাছে নিয়ে এলেন আদনান, হাত বাড়িয়ে বোটে তুলে নিলেন জেসিকাকে। ফুডির ফ্রেমটা ভাঁজ করতে ব্যস্ত রানা। রুদ্ধশ্বাসে বলল জেসিকা, 'আশ্চর্য! দারুণ! আমাকে দেখতে পেয়েছ, আদনান? মনে হচ্ছিল সর্বে চলে গেছি।' খুশি ও উত্তেজনায় লাল হয়ে গেছে ওর চেহারা।

দর্শনীয়ভাবে টার্নিং হক্ট করে বোট নিয়ে কাছে এগিয়ে এল রিচি। উজ্জ্বল হাসিমুখ আর ঝকঝকে চোখ তুলে চাইল সে সোহানার দিকে। 'নুকাশ ম্যাকপিভোর ব্যভী এনেছি, সোহানা! তোমাদের সবাই প্রতি আন্তরিক কৃতজ্ঞতা জানিয়েছে আমার বন্ধু। একটু সেরে উঠে ফুলটুল নিয়ে নিজেরই দেখা করবে ও তোমাদের...'

'লোক দুজন কেন ওকে পেটাছিল পুলিশ বের করতে পেরেছে ওদের পেট থেকে?'

কাঠমাসি দিল রিচি। 'আর বোলো না! ওনলে রেপেই যাবে তোমরা। পালিয়েছে ওরা, পুলিশ আসার আগেই!'

'পালিয়েছে? ভুল জোড়া কুচকে গেল সোহানার।

'আমার গাড়িতে করে, আমারই দোষে, বিবাস করো। রানার দেওয়া রিভলবারটা ওদের দিকে বাগিয়ে ধরে পুলিশের জন্য অপেক্ষা করছিলাম, হঠাৎ হাত থেকে পড়ে গেল ওটা।'

'পড়ে গেল! তামাশা করছ?'

'না, ঠাট্টা নয়। সিনেমার হিরোদের মতো মাঝে মাঝে ওটা শূন্যে ফুরিয়ে থপ করে ধরছিলাম। শেষবার ফসকে গেল হাত থেকে। সঙ্গে সঙ্গে ঝাপিয়ে পড়ে তুলে নিল ওটা ভাগড়া লোকটা। মুখ বিকৃত করল রিচি। 'লজ্জার ব্যাপার! খেপে গিয়েছিল পুলিশ। ডয় পেয়েছিলাম, আমাকেই না আবার অ্যারেস্ট করে!'

'করলেও তোমার কিছু হতো না,' বলল রানা। ফুডি ভাঁজ করে রেখে কাছে এসে দাঁড়িয়েছে। 'কোটে তোমার উকিল তোমাকে পাগল ডিক্লেয়ার করলেই বাধ্য হতো ছেড়ে দিতে।'

যেন খুব মজা পেয়েছে, এমন ভঙ্গিতে পেছনে হেলে হেসে উঠল রিচি, কিন্তু চোখে সে হাসির রেশ পৌঁছল না। তারপর বলল, 'সত্যি, অবিশ্বাস্য একটা ঘটনা...ভাবা যায় না। যাকগে, এবার কাজের কথা।' সোহানার দিকে ফিরল সে, 'আমার পার্টির জৌলুস বাড়তে তোমরা আসছ তো আজ?'

'হচ্ছে ওটা? বাতিল করোনি প্রোগ্রাম?'

'নাহ, কী যে বলো! বন্দরের সেরা সুন্দরীদের নিমন্ত্রণ করা হয়েছে। মেজেগুজ আসবে ওরা। চলে এসো, স্নান করে দাও ওদের! কোনো ছুতো কিন্তু ওনব না!'

রানার দিকে চাইল সোহানা। উত্তরটা রানাই দিল।

'ঠিক আছে, আসছি আমরা; এবার তোমার ভটজটি নিয়ে একটু দূরে সরবে? কান বালাপালা হয়ে গেল!'

হাসিমুখে হাত নাড়ল রিচি, তারপর স্পিডবোট ফুরিয়ে নিয়ে চলে গেল দূরে জেটিতে দাঁড়ানো যারলিনের দিকে।

চার

সন্দের একটু পর জেসিকাকে সঙ্গে নিয়ে বৈঠকখানায় ঢুকলেন আদনান মুস্তফি। 'দেখো তো, সব ঠিকঠাক আছে কি না। আমি বললাম : লিপস্টিক, টিপ, সিঁথি, ক্লিপ, ছক—সব ঠিক আছে; কিন্তু আমার ওপর ভরসা নেই, আমি নাকি শাড়ির কিছুই বুঝি না, সোহানাকে দেখিয়ে সার্টিফিকেট পাওয়া গেলে তবে বুঝ মানবে!'

কলাপাতা-সবুজ একটা শাডি পরেছে জেসিকা। ফুটফুটে সুন্দর ফুলের মতো লাগছে ওর মুখটা। বলল, 'ও সব সময় বলে ঠিক আছে, ঠিক আছে—ভালো করে না দেখেই। একবার তো প্রাইস ট্যাগ আঁটা কাপড় পরে হাজির হয়েছিলাম এক পার্টিতে!'

ফুরিয়ে-ফিরিয়ে খুঁটিয়ে দেখল সোহানা জেসিকাকে। 'চমৎকার লাগছে,' আশঙ্ক করল ও। 'তবে এত দামি একটা

শাড়ির সঙ্গে ম্যাটিং জুয়েলারি দরকার—বিশেষ করে এই ধরনের সোশ্যাল পার্টিতে। সঙ্গে এনেছ কিছু?'

'না,' জবাব দিলেন প্রফেসর, 'আমরা পার্টির জন্য প্রস্তুত হয়ে আসিনি। বাড়িতে অবশ্য অপূর্বসুন্দর, বলমলে একটা হীরার ব্রোচ আছে ওর। কিনেছিলাম আলজিয়াসের এক খোঁড়া ফেরিওয়ালার কাছ থেকে। লোকটা কসম খেয়ে বলেছিল : কোনো সন্দেহ নেই, পাথরগুলো খাঁটি হীরা। যদি মিথ্যে বলে থাকে, তাহলে পানিতে গেছে আমার তিনটে ডলার।'

'আমি দু-একটা অলংকার ধার দিতে পারি,' বলে বেডরুমের দিকে হাঁটতে শুরু করল সোহানা। একবার গলায় হাত দিয়ে একটা ভুরু উঁচু করল রানার দিকে চেয়ে। মাথা সামান্য ঝাঁকিয়ে সম্মতি দিল রানা। সোহানা ফিরে এল চুনি বসানো দুটো চুড়, এক জোড়া ব্রেসলেট, একটা হিরে বসানো আংটি আর গলায় পরার জন্য অপূর্ব এক মুক্তার মালা। 'এই যে; রিচি যদি জমকালো পার্টি চায়, পাবে। জৌলুস চায়, তার চেয়েও অনেক বেশি পাবে এখানে; বিশ্বসুন্দরী এলেও স্ত্রান হারাতে জেসিকার কাছে নক-আউট পাশ্ব খেয়ে।'

'ইয়ান্না, না!' ছটফট করে উঠলেন প্রফেসর, 'ওগুলো না!'

'কী এগুলো?' মুক্তার ভারী নেকলেস হাতে নিয়েই আউট হয়ে গেল জেসিকা। ও চেনে এটা, এর ইতিহাস জানে; জানে পঞ্চাশ হাজার পাউন্ডে ইনশিওর করা আছে এই মালা। সোহানাকে উপহার দিয়েছিল রানা এই হার। একচল্লিশটা মুক্তা বসানো আছে এই নেকলেসে, সবচেয়ে বড়টার ওজন এক শ তেরো গ্রেইন, আর ছোটটার ত্রিশ গ্রেইন। এগুলো কাজের কাঁকে কাঁকে পুথিবীর সাতটা বিখ্যাত পার্ল-বেড থেকে নিজে ডুব দিয়ে তুলেছে মাসুদ রানা সোহানার জন্য। সময় লেগেছে পাড়া আড়াই বছর। পঞ্চদশই মুক্তার জন্য বিশ হাজার বিনুক তুলতে হয়েছিল রানাকে।

'অসম্ভব!' রুদ্ধশ্বাসে বলল জেসিকা, 'এ আমি পরব না! মাই গড! এই জিনিস সঙ্গে রেখেছ কেন, সোহানা? ব্যাংকের ভুলে রেখে দেওয়া উচিত এটাকে।'

'সেই জন্য তো দিইনি আমি ওটা,' বলল রানা হাসিমুখে, 'অলংকার পরার জন্য, ভালো লাগার জন্য—বুকেরি রাখার জন্য নয়। এবার যোরো তো, সোহানা পরিয়ে দিক গয়নাগুলো।'

মাঝরাত্তে পুরো জমে গেল রিচি হাওয়ার্ডের পার্টি। দীর্ঘ টেরেস রুমের এক পাশে স্টেজে বসেছে বাড়ি-পার্টির পাঁচজন, চমৎকার বাজাচ্ছে জনপ্রিয় গান-ও বার্জনার মুর; স্যাজোফোনের মনহোয়া লম্বা টানে বুকোর ডেভরটা কাপে, কেমন মেশা ধরে যায়। ঘরের তিন পাশের দেয়াল কুঁচি দেওয়া পর্দা দিয়ে ঢাকা, আগরবাতির গন্ধে প্রাচীর আবহ। বেশির ভাগ অভিজিই নাকছে, বিশ্রামের জন্য চেয়ারে বসছে, যার যে মদ পছন্দ, ব্রোভল থেকে ঢেলে নিয়ে চুমুক দিচ্ছে প্রাসে, গল্প করছে, তারপর আরেক পার্টির বেছে নিয়ে চলে বাচ্ছে ডাল ফ্লোর। সোহানা, জেসিকা ও প্রফেসরও মহানন্দে নাচছে পার্টির বদল করে করে। রিচি ছুটে বেড়াচ্ছে এদিক-ওদিক, হাসছে, কার কী দরকার, দেখাশোনা করছে, খাবারের তদারকি করছে; কখনো বা কোনো রূপশী মহিলার সঙ্গে মেচে নিচ্ছে কয়েক মিনিট। রানা একবার-দুবার রেটে একটু আলাদা হয়ে বসে আছে।

হঠাৎ বেতালো একটা বনঝনে, তীক্ষ্ণ আওয়াজে চমকে উঠল পার্টির সবাই। সিম্বল বা কাঁসির মতো শব্দ, তবে তার চেয়ে অনেক জোরালো। বাজনা থেমে গেল। অতিথিদের কলকণ্ঠ কয়েক সেকেন্ড শোরগোলের মতো শোনা গেল, তারপর চুপ হয়ে গেল সবাই।

ব্যাতপার্টির নিচু স্টেজে উঠে দাঁড়াল একজন লোক। হাঁটুর নিচ পর্যন্ত লম্বা কালো প্র্যাক্টিকের বর্ষাতি পরেছে, মাথাটা কালো হুড দিয়ে গলা পর্যন্ত ঢাকা। শ্বাস নেওয়ার জন্য ছোট একটা ফুটো থাকলেও চোখের জন্য আলাদা কোনো গর্ত নেই। সম্ভবত, ওটা এমন ক্যাব্রিক দিয়ে তৈরি, যে ভেতর থেকে বাইরেটা দেখা যাবে, কিন্তু বাইরে থেকে ভেতরের কিছুই দেখা যাবে না। লোকটার হাতে ব্যারেল কাটা একটা সোলজা বন্দুক।

চারপাশে চোখ বুলিয়ে আরও তিনজন হুড পরা লোক দেখতে পেল রানা। দুজন টেরেস রুমের দুই দরজা, আর বাকিজন সিঁড়ির ল্যান্ডিং পাহারা দিচ্ছে। এদের প্রত্যেকের হাতেই কাটা বন্দুক। রিভলবার হাতে আরও তিনজন মুখোশ পরা মানুষ কামরার ভেতর

টুকছে দেখে সরে জায়গা ছেড়ে দিল অতিথিরা। দুজন মুখোশধারী দুই দেয়ালে পিঠ দিয়ে দাঁড়াল, তৃতীয়জন টহল দেওয়ার ভঙ্গিতে চলে গেল কামরার শেষ মাথায়। কিছুক্ষণ চুপচাপ, তারপর ব্যস্ত স্টেজে দাঁড়ানো লোকটা ডাঙা-ডাঙা ক্রোশে কথা বলে উঠল:

'মন দিয়ে শুনুন, মিজ। যা বলার একবারই বলব। কেউ নড়বেন না। একটু পর ওয়েটারদের একজন ট্রে হাতে এক এক করে আপনাদের সবার সামনে দিয়ে যাবে। সঙ্গে মূল্যবান যা কিছু আছে আপনারা সেই ট্রেতে রাখবেন। কেউ বাধা দিলে বা নির্দেশ অমান্য করলে মারাত্মক জখম হবেন।'

ব্যান্ডের দিকে ফিরে ইঙ্গিত করল লোকটা। কয়েক মুহূর্ত দ্বিধা করে বাজনা শুরু করল ওরা। অসহিষ্ণু ভঙ্গিতে খালি হাত নাড়ল মুখোশধারী, ধমকের সুরে জোরে বাজানোর নির্দেশ দিল। বেড়ে গেল আওয়াজ।

দুই হাতে কপালের দুপাশ ধরে চোখ বুজে দাঁড়িয়ে কী যেন বিড়বিড় করছে রিচি। হঠাৎ যেন মাথা খারাপ হয়ে গেল তার। তেড়ে গেল একজন মুখোশধারীর দিকে। গর্জে উঠল গ্লিডলবার, কিন্তু বাজনার শব্দে প্রায় ঢাকা পড়ে গেল গ্লিডলবারের আওয়াজ। থমকে দাঁড়াল রিচি, ব্যথায় কঁচকে গেছে মুখ। এক হাতে বাহু চেপে ধরে হাঁটু গেড়ে বসে পড়ল মেঝেতে, চোখেমুখে উদ্ভ্রান্ত, হতবিস্বল একটি ভাব। তেমনই জোরেশোরে বাজছে বাজনা। নড়ল না কেউ।

জীতসম্ভব একজন ওয়েটারকে আঙুলের ইশারায় ডেকে তার হাতে ধরিয়ে দেওয়া হলো একটা খালি ট্রে। আদনান দেখলেন, কামরার মাঝমাঝি জায়গায় দাঁড়িয়ে আছে রানা ও সোহানা। সোহানা চেয়ে রয়েছে রানার দিকে। রানার চেহারা নির্বিকার। তাকিয়ে আছেন বলে টের পেলেন প্রফেসর, সামান্য একটু মাথা নেড়ে দামি টাইপিন ও কাফলিংকে খোলায় মন দিল রানা। সোহানা ও গর এয়ারেণ্ড ব্রাচ বুলতে শুরু করল।

ওদের থেকে সামান্য দূরে দাঁড়িয়ে রয়েছে জেসিকা। আদনান দেখলেন, দুধের মতো সাদা হয়ে গেছে গর মুখ, দুই হাতে চেপে ধরে আছে গলার কাছটা। ধক করে উঠল তার কলজের টা, রক্ত সরে গেল নিজের মুখ থেকেও। মনে পড়ে গেছে, সোহানার সেই অসম্ভব দামি মুক্তার মালা এখন জেসিকার গলায়।

জেসিকার সামনে এখন ট্রে হাতে ওয়েটার। দেখলেন, মাসুদ রানা এগিয়ে গিয়ে আলগোছে গর হাত দুটো সরিয়ে দিল গলার কাছ থেকে, হুক খুলে নেকলেসটা ছেড়ে দিল ট্রের ওপর। হীরার আংটি, রতনচূড় আর ব্রেসলেট জোড়াও গেল ওখানে। হত্যাশায় ছেয়ে গেল প্রফেসরের অন্তর। ঋণিক পরে নিজের শীর্ণ মানিব্যাগটা রাখলেন তিনি ট্রেতে, দেখলেন তাঁর চেনা অলংকারগুলো পড়াগড়ি খাচ্ছে আর সব মূল্যবান জুয়েলারির সঙ্গে।

অপারেশনের বিদায় পর্বও একই রকম নিপুণ দক্ষতার সারা হলো। শটগান হাতে টেরেস লাউজের দরজায় দাঁড়াল দুজন, বাকি সবাই নেমে গেল সিঁড়ি বেয়ে নিচে, রাস্তাটা পেরোলেই ল্যাভিং স্টেজ। ইঞ্জিনের শব্দ কানে আসতেই দরজায় দাঁড়ানো দুজন অদৃশ্য হয়ে গেল। থেমে গেল বাজনা। সবাই একসঙ্গে কথা বলে উঠল। শোরগোলার শব্দ ছাপিয়ে কানে এল একটা শক্তিশালী বোটের আওয়াজ, দূরে সরে যাচ্ছে ক্রমে।

মেঝেতে হামাগুড়ি দিয়ে বসে আছে এখনো রিচি হাওয়ার্ড। মাথাটা ঝুলে পড়েছে নিচে, বাহু চেপে ধরা আঙুলের ফাঁক গলে টপটপ রক্ত পড়ছে মেঝেতে। রানা এসে দাঁড়াল ওর পাশে।

'আবারও...' যেন ঘোরের মধ্যে রয়েছে রিচি, মাথাটা নাড়ছে এপাশ-ওপাশ। 'হায় খোদা, সেই একই ঘটনা আবারও!'

'তোমার হাতটা দেখি, রিচি,' বলল রানা।

'আমার হাত? ও কিছু না... মাংস ফুঁড়ে বেরিয়ে গেছে গুলি।' পাগলাটে দৃষ্টিতে চারপাশে চাইল রিচি, তারপর টলোমলো পায়ে উঠে দাঁড়াল। 'এক ব্যাটা ডাক্তারকে দাওয়াত করেছিলাম, গেল কোথায়?' হঠাৎ ঘুরে দাঁড়াল সে, রাগে লাল হয়ে উঠল মুখটা। চড়া গলায় চোঁচিয়ে উঠল, 'আর ওই ম্যানেজার? কোথায় গেল হারামজাদা?' আরও চড়ে গেল গলা, 'আর অপদার্য পুলিশগুলোই বা কোথায়?'

হাত খামচে ধরে লোকজনের ভিড় ঠেলে ছুটল সে সিঁড়ির দিকে। পেছন ফিরে রানা দেখল, ওর গা ঘেঁষে দাঁড়িয়ে আছে সোহানা। একটু দূরে দাঁড়িয়ে থরথর করে কাঁপছে জেসিকা, এক হাতে তাকে জড়িয়ে ধরে আছেন আদনান।

'চলো, এখন থেকে কেটে পড়া যাক,' বলল রানা।

'চলো,' ঘাড় কাত করল সোহানা, 'আমাদের স্টেটমেন্ট কাল দিলেও চলবে।'

রানা স্তিমিরিহ্নে, পাশে বসেছে সোহানা; পেছনের সিতে জেসিকাকে জড়িয়ে ধরে বসে আছেন আদনান। কান্না ষেমেছে, কিন্তু বেচারির কাঁপুনি যায়নি এখনো। ওর কথাটা বেরিয়ে এল আদনানের কণ্ঠ দিয়ে, 'ইস্! মুক্তাগুলো!'

'আক্ষেপ কোরো না, আদনান ভাই,' বলল রানা, 'মেনে নাও। এটা কপালের ফের।'

'আমার গায়ে ছিল গয়নাগুলো! ডাঙা গলায় বলল জেসিকা, 'আমি যদি ওগুলো না পরতাম—'

'আমলে আমিই তো জোর করে পরিয়েছি তোমাকে, তাই না?' সাবুনা দিল সোহানা, 'তুমি না পরলে আমি পরতাম। এই একই ঘটনা ঘটত, জেসিকা। ওখানে কেউ আমরা যদি ট্যা-ফৌ করতাম, তাহলে শটগান দিয়ে ম্যাসাকার করত ওরা। যা ঘটছে, তার জন্য সামান্য দায়দায়িত্বও তোমার ওপর বর্তায় না। আমরা সবাই ঘটনার শিকার, সেটা মেনে নেওয়াই বুদ্ধিমানের কাজ।'

'তোমার কথা বুঝতে পারছি, সোহানা। কিন্তু মন মানতে চায় না। আমি একটা অপয়া। আমার যারা কাছের মানুষ, আপনজন; দেখেছি আমি, সব সময় তাদের ক্ষতি হয়।'

কথাগুলো মন খারাপ করে দিল সবার।

পাঁচ

পরের দুটো দিনে আদনান ধীরে ধীরে অনুভব করতে পারলেন, রানা-সোহানা বা বলেছে, তা বানোয়াট কিছু নয়। কী হারামাম, তা নিয়ে ভাবে না ওরা, সেটা অতীত—সময়টা খরচ হয়ে গেছে জীবন থেকে, আর কখনো ফিরে আসবে না। ভবিষ্যৎ নিয়েও বিন্দুমাত্র চিন্তিত নয় ওরা—সেটা আসেনি এখনো, নাও আসতে পারে কোনো দিন। ওরা বাঁচে বর্তমানে। এখন, এই মুহূর্তে। একটা একটা করে যে মুহূর্তগুলো আসছে সামনে, সেগুলো উপভোগ করতেই, সেগুলো ব্যবহার করে কিছু গড়ে তুলতেই ব্যগ্র।

কিন্তু জেসিকার আক্ষেপের শেষ নেই, কোনো সাবুনাই শান্ত করতে পারছে না ওকে। সব দোষ নিজের ঘাড়ে চাপিয়ে নিয়ে অনুশোচনায় মিশে যাচ্ছে মাটির সঙ্গে। থেকে থেকে গাল বেয়ে নামছে পানি।

রিচি হাওয়ার্ডের সেই উচ্ছলতা নেই। টেলিফোন করে নিচু, লজ্জিত কণ্ঠে ক'মা প্রার্থনা করেছে ওদের কাছে। জানিয়েছে, ওর জখম সেরে উঠছে দ্রুত। কোনো শিরা বা রগে লাগেনি, মাংস ছিঁড়ে বেরিয়ে গেছে বুলেট।

যেমন ছিল, তেমনি হাসিখুশি রয়েছে রানা-সোহানা। সাঁতার কাটছে, মাছ ধরছে, বোটের ঘুরছে, ঘুড়িতে চড়ে উড়ছে—ছুটি কাটাচ্ছে মহানন্দে। ইনশিওরেন্স ক্লেইম করাই নিশ্চিত। ডাকাতির ব্যাপারে আর কিছু ভাবতে রাজি নয়। তবে অনেক রাতে কোথায় যেন যায় মাসুদ রানা, ফিরে আসে ভোর হলে। কোথায় যায় জিঙ্কস করলে কিছু বলে না, হাসে।

তৃতীয় দিন সন্ধ্যায় কিছু কেনাকাটার জন্য স্ট্রীকে নিয়ে মার্কেটে গিয়েছিলেন আদনান মুস্তফি, আশব'টার মধ্যেই ফিরে এলেন হতদস্ত হয়ে। রানা বেরোচ্ছিল বাইরে, হাসিমুখে জিঙ্কস করল, 'কী হলো, আদনান ভাই? এত তাড়া কিসের?'

'ওখানে নুকারের সঙ্গে দেখা হয়ে গেল,' বললেন আদনান, 'বাজার করতে গিয়েছিল...'

'কী বাজার? ভুরুজোড়া কঁচকে গেল রানার।

'এই, খাবারদাবার, নিত্যপ্রয়োজনীয়...'

'খাবার কিনছে? আবার কথার মাঝখানে জিঙ্কস করল রানা, 'বেশি বেশি করে?'

'হ্যাঁ। ইয়টের জন্য, কয়েক দিনের রসদ। দেখা হতেই এগিয়ে এসে ওর প্রাণ বাঁচানোর জন্য ধন্যবাদ জানাল আমাদের, পার্টিতে অনভিপ্রেত ঘটনা ঘটে যাওয়ার আন্তরিক দুঃখ প্রকাশ করল।' কনুই দিয়ে হালকা একটা গুঁতো মারলেন প্রফেসর জেসিকার পাঁজরে, 'এবার তুমি বলো, ডার্লিং।'

টপটপ করে ফুটছে যেন জেসিকা, অল্প অল্প কাঁপছে শরীরটা। 'ওই লোকটা ডাকাতির সময় উপস্থিত ছিল, সোহানা! আমার খুব কাছের। তোমরা ওকে দেখেছিলে?'



রোদ পোহাচ্ছে রানা, হাতে পেপার

রানার দিকে একবার চেয়ে নিয়ে সোহানা বলল, 'না তো! আগের রাতে পিঠি খেয়ে ও তখন বিছানায় শুয়ে কাতরাচ্ছে।'

'ভুল। আসলে মুখোশ পরে ওয়েটারের পেছন পেছন ঘুরছিল,' বলল জেসিকা, 'চোখ রাখছিল ট্রে থেকে কোনো অলংকার আবার খোঁয়া যায় কি না।'

'তুমি জানলে কী করে?' হাসি ফুটল রানার ঠোঁটে।

'আগে জানতাম না, এই তো একটু আগে জানলাম,' বলল জেসিকা, 'গন্ধ। সেই ডাকাতের গায়ের গন্ধই পেলাম আমি আজ লুকাসের গায়ে।'

'তুমি শিওর?' জানতে চাইল সোহানা।

'শিওর। কিন্তু প্রমাণ করতে পারব না। তবে গন্ধ চিনতে ভুল হয় না আমার কখনো। আমি জানি, ও ছিল সেদিন ডাকাতের সময় ওয়েটারের ঠিক পাশেই।'

ভুল যে হয় না, সেটা ওরাও জানে। নিঃশব্দে ওর পাশে গিয়ে দাঁড়ালেও জেসিকা টের পার কে এসেছে। ও পৃথিবীটাকে অনুভব করে নাক-কান-জিভ ও স্পর্শের মাধ্যমে। প্রত্যেকের গায়ের গন্ধ সে আলাদাভাবে চেনে, তবে গন্ধকে যাতে জলিয়ে না ফেলে, সে জন্য অন্য কিছুতে রূপান্তর করে নেয়। সোহানার গন্ধ ওর কাছে যেন মখমলের স্পর্শ, রানার গন্ধ আড়বঁশির মতো, আদনানের গন্ধ নারকোল-চিড়ির মতো।

'দারুণ, জেসিকা!' আন্তরিক প্রশংসা বরল রানার কণ্ঠে, 'দারুণ একটা তথ্য দিয়েছ! অসংখ্য ধন্যবাদ তোমাকে। এইবার ধরা পড়বে ছিনতাইকারীরা!'

'কে ধরবে? পুলিশ?' অস্বাভাবিক হলেন আদনান, 'জেসিকার কথা ওরা বিশ্বাসই করবে না। পাজাও দেবে না।'

'তা তো দেবেই না,' বলল রানা, 'ওদের হাত-পা বাঁধা। হাতেনাতে ধরতে পারলে এক কথা, তা নইলে সলিড প্রমাণ চাই।'

'তাহলে?' হতাশ হয়ে পড়ল জেসিকা।

'নো চিন্তা, ডু ফুর্জি,' বলল রানা, 'এবার আমরা চারজন কাজে নামব। পানির মতো সহজ হয়ে গেছে এখন ব্যাপারটা। শাবাশ, জেসিকা! আমরাই এখন ধরে ফেলব ওদের।'

কথাটা শুনে বিকম্বিত করে উঠল জেসিকার দুটিহীন, নীল চোখ। যেন মুহূর্তে দূর হয়ে গেছে ওর সব কষ্ট।

'কী ভাবে?' জিজ্ঞেস করলেন আদনান, 'চোর ধরা পুলিশের...'

'না। পুলিশ কিছু করতে পারবে না,' বলল রানা, 'ওদের অহীন মেনে চলতে হয়। ব্যাপারটায় পঁচা পড়ে গেছে মেশা। আমরা যেভাবে অনেক ছেঁড়া সুতো জোড়া দিয়ে খাপে খাপে মেলাতে পারছি, পুলিশের হাতে সে রকম কোনো তথ্য নেই। ওদের পক্ষে চোবাই মাল উদ্ধার করা সম্ভব হবে না।'

'তাহলে? আমাদের খাবা সম্ভব হবে?'

'দেখা যাক,' হাসল রানা, 'চেষ্টা তো করব। জেসিকার এই তথ্যটা পেলে পুরোপুরি নিশ্চিত হয়ে পেলাম আমরা, কাজটা কাদের। এবার অ্যাকশনে যাব, দুটের মাল সব উদ্ধার করে ছাড়ব, ইনশাআল্লাহ। তবে, জেসিকা, তোমার সাহায্য লাগবে।'

'কী সাহায্য?' সাহায্য করতে এক পায়ে খাড়া জেসিকা, 'কী করতে হবে আমার?'

'আপাতত সোহানাকে টেবিলে খাবার সাজাতে সাহায্য করো। পেটটা ভরলে বুদ্ধি খুলবে, তখন বুঝতে পারব কোন পথে এগোতে হবে। তাই না, সোহানা?'

'চলো,' জেসিকার হাত ধরে রানার দিকে চলল সোহানা।

'এই না বেরোচ্ছিলে?' রানার পা থেকে মাথা পর্যন্ত দেখলেন প্রফেসর, 'এখন আবার খিদে পেয়ে গেল! বাড়তি কী তথ্য আছে তোমার কাছে, একটু ঝেড়ে কাশো দেখি?'

'ছোট ছোট তথ্য, আদনান ভাই। কোপ্টা স্মেরালডা। টেরেস রুম। সুন্দরী ছুকরিবিহীন রেবয় ইয়ট। লুকাসের মার খাওয়া। নায়কের মতো রিচির পরেন্ট ফোরফাইভ বিডলবার লোফালুফি। বড়লোক মহিলাদের মধ্যে গয়নার প্রতিযোগিতা লাগিয়ে দেওয়ার চেষ্টা। কুলেটের আঁচড় খেয়ে রিচির মাটিতে আছড়ে পড়া। সব জায়গামতো বসছে না এখন?' হাসল রানা। 'রিচির ইয়টের ওপর চোখ রাখতে হবে। খাওয়া সেরে সারা রাতের জন্য বেরোব আজ।'

'কদিন ধরে এই কাজই করছ বুঝি? তোমার সঙ্গে আমিও যাব আজ।'

'একসঙ্গে দুজন কষ্ট করে লাভ নেই, আদনান ভাই,' বলল রানা, 'তুমি বরং দুটোর পর থেকে ডিউটি দাও। ঠিক রাত দুটোর জেটির পূর্ব দিকে বাতিহীন ল্যাম্পপোস্টটার নিচে দেখা করো আমার সঙ্গে। ঠিক আছে?'

'না, ঠিক নেই,' বললেন প্রফেসর, 'আমি টিচার মানুষ, রাত জেগে অডোপ আছে। আমি নেব প্রথম রাতের ডিউটি, তুমি

খানিক ঘুমিয়ে নিয়ে তারপর এম্বো রাত দুটায়।'

রাত ঠিক নয়টায় ফোন এল আদনানের। কঠে উদ্বেগ।

'রানা কোথায়?'

'ঘুমাচ্ছে, জ্বাব দিল সোহানা, 'ফোন, আদনান ভাই?'

'নোঙর তুলে ফেলেছে। বন্দর ছাড়ছে মারলিন!'

'তাই নাকি? ঠিক আছে। সম্ভব হলে কোন দিকে যাচ্ছে দেখেই ফিরে এসো।'

বিশ মিনিট পর ফিরে এসে রানাকে বারান্দায় পেলেন আদনান। গুঁরই জন্য অপেক্ষা করছে। ওয়েট-সুট পরেছে রানা, মাথায় কালো নিওপ্রিনের হুড। বাড়ির সব বাতি নেভালো। 'পূর্ব-দক্ষিণে যাচ্ছে ওরা,' বললেন তিনি চাপা উত্তেজিত কঠে, 'মনে হয়, মার্নেইর দিকে। কিছুক্ষণের মধ্যেই এই ভিলার পেছন দিয়ে যাবে। আর সবাই কোথায়?'

'বোট হাউসে,' বলল রানা, 'চলো যাই।'

একটা ওয়াটারপ্রুফ জ্যাকেট বাড়িয়ে দিল ও তাঁর দিকে। ঝটপট ওটা পরে নিলেন প্রফেসর। লম্বা পা ফেলে চলে এল ওরা বোট হাউসে। মাইল খানেক দূর দিয়ে বরফমলে আলো জ্বলে চলে যাচ্ছে রিচি হাওয়ার্ডের ইয়ট।

'যেদিক খুশি চলে যাবে এবার!' বললেন আদনান।

'সে জনরই ওটাকে চোখের আড়াল করতে চাইছি না,' বলল সোহানা। রওনা হওয়ার জন্য সবকিছু রেডি করে বসে আছে ও। ওয়াটারপ্রুফ জ্যাকেট পরেছে সোহানা ও জেসিকা। 'গরম কাপড়ের অভাব নেই,' পাওয়ারবোটের ইঞ্জিন চালু করে আবার বলল ও, 'কারও শীত লাগলে লকার খুলে বের করে নেবে। ঠিক আছে?'

রানার পরনে ভিন্ন পোশাক কেন বুঝতে পারলেন না আদনান। সাগরের তীর ঘেঁষে চলছে পাওয়ারবোট, স্পিড বাড়ছে ক্রমে। দূরে মিটাশিট করছে মারলিনের আলো। মাঝে মাঝে হুইলটো অটোতে দিয়ে শক্তিশালী বিনকিউলার চোখে তুলে দেখছে সোহানা ওটাকে। ওর হাবোভাবে বুঝতে পারলেন এক্ষুনি ইয়টের বেশি কাছে যেতে চাইছে না সোহানা। সমান স্পিডে দূর থেকে অনুসরণ করতে চাইছে কেবল। মনে হয়, গভীর রাতে কাছে ভিড়তে চায়। কিন্তু তারপর কী হবে, আন্দাজ করতে পারছেন না। কেউ কিছু বলছেও না।

'বুঝলাম, মারলিনের টস্পিড বিশ নট,' বললেন তিনি শেষ পর্বন্ত, 'পাওয়ারবোট নিয়ে ওটাকে ধরা কোনো ব্যাপার নয়। কিন্তু তারপর, সোহানা? কাছেই তো যেতে পারব না ওটার, দেখে বা শুনে ফেলবে। তা ছাড়া ওদের কাছে অস্ত্র আছে। আর যদি ওদের অজান্তে কাছে যেতে পারিও, ওপরে উঠব কী করে? ঘাসফড়িং হলে নাহয় এক কথা ছিল, লাক দিয়ে উঠে পড়তাম। ইয়টে চড়াই যদি না যায়, খামোখা ওর পিছু ধাওয়া করে লাভ কী?'

'আমরা ওটার এতটা কাছে যাব না, যাতে দেখতে বা শুনেতে পায়,' বলল সোহানা, 'চিন্তা কোরো না, আদনান ভাই। চাঁদটা ডুবলেই আমরা কিছুটা কাছে যাব, এই বোটের আওয়াজও খুব কম, তা ছাড়া আজ কালো ঘুড়িটা ব্যবহার করবে রানা।'

'ঘুড়ি? এই রাতের বেলা? এমনিতেই শীত, সোহানার কথা শুনে হাত-পা আরও ঠান্ডা হয়ে এল প্রফেসরের। আঁধার সয়ে এসেছে চোখে, পরিষ্কার দেখতে পাচ্ছেন, পাওয়ারবোটের এক পাশে হালকা ডিউর্যালিউমিনের তৈরি ঘুড়ির কাঠামোটা বাঁধা রয়েছে। রানার বিশেষ পোশাকের অর্থও বুঝতে পারলেন এতক্ষণে।

'পাগল হয়ে গেছ তোমরা!' বললেন তিনি, 'এ অসম্ভব!' রানার দিকে ফিরলেন তিনি কিছু বলবেন বলে, কিন্তু তার আগেই পেয়ে গেলেন উত্তর।

'আজই রাতে আমি সবাইকে নিয়ে মারলিনে উঠব বলে ঠিক করেছিলাম,' স্টার্বের উইলটো পরীক্ষা করছিল এতক্ষণ, ফিরে এসে বলল রানা। 'জ্যেটতে পেলে সবাই একসঙ্গে যেতে পারতাম, কিন্তু চলন্ত অবস্থায় প্রথমে একজনকে পৌঁছাতে হবে ইয়টে—এইটুকুই তফাত। চেষ্টা দেখাও: ডেউ নেই বললেই চলে, টেক-অফ করতে কোনো অসুবিধে নেই; বাতাসটাও চমৎকার—ঠিক যেমনটি দরকার, এক ভাবে বইছে; ফলে কম স্পিডে ফ্লাই করতে পারব। লম্বা টো-লাইন থাকবে, যার ফলে ইয়ট থেকে অনেক দূরে থাকতে পারবে সোহানা।'

'লম্বা... মানে, কতটা লম্বা?'

জ্বাব দিল জেসিকা। 'সোহানা তো বলছে সাত-আট শ ফুট।'

'কী বললে?'

'ধাবড়াও মাত, আদনান ভাই। কিছুদিন আগে এক অস্ট্রেলিয়ান দুই হাজার ফুট টোর সাহায্যে এক হাজার ফুট ওপরে উড়েছে। সেটা অবশ্য দিনে। কিন্তু আমাদের তো আবার আঁধার দরকার। আর আজকের রাতটাও এ কাজের জন্য চমৎকার।'

'ঘাড় মটকানোর জন্য চমৎকার!' বললেন প্রফেসর, 'কী বলো তুমি! পাকা হাতে বোট সামলাতে হবে, সোহানার হাত অবশ্য ঠিকই আছে, কিন্তু ও তো তোমাকে দেখতেই পারে না, ডান-বঁা করবে কীভাবে?'

'আমার সঙ্গে একটা প্লোট-মাইক থাকবে, সোহানার হেডসেটে থাকবে রিসিভার,' আশ্বস্ত করল রানা। 'কাজেই কোনো অসুবিধে হওয়ার কারণ দেখি না। আমাকে না দেখলেও চলবে, আমিই জানিয়ে দেব কখন কী চাই। আপনাদের অ্যান্টিয়েড কিজিলে কী বলে—সম্ভব নয়?'

তর্ক করা বৃথা, টের পেয়ে চুপ হয়ে গেলেন প্রফেসর। সবার মুখ ভিজ্জে যাচ্ছে সূক্ষ্ম জলকণা লেগে, একটু পর পর মুছতে হচ্ছে রুমাল দিয়ে। মাঝরাতের দিকে গতি বাড়াল সোহানা।

আরও দুঘন্টা পর মারলিনকে পাশ কাটিয়ে বেশ কিছুটা এগিয়ে গিয়ে থামল পাওয়ারবোট। ঘুড়ির কাঠামো জোড়া দিয়ে ইতিমধ্যে তৈরি হয়ে নিয়েছে রানা। পশ্চিম আকাশের সরু চাঁদের তির্যক আলোয় আরও কালো দেখাচ্ছে ডুমখাসাগর। মাইল তিনেক পেছনে রয়েছে মারলিন। সব বাতি নিভিয়ে এখন শুধু নেভিগেশন লাইট জ্বলে এগিয়ে আসছে।

গগলস পরে নিয়ে বোটের কিনার থেকে নেমে গেল রানা পানিতে। সোহানার নির্দেশে টেরিলিনের পালটা খুলে দিলেন আদনান। পাঁচ মিনিটের মধ্যে ঘুড়ি ভেসে উঠল বোটের পেছনে। পালের নিচে বুলন্ত বারটা ধরল রানা। আসল কাজ শুরু করে একটু গ্যাকটিস করে দেখে নেবে সবকিছু ঠিকমতো কাজ করছে কি না। ঘুড়িতে বা যোগাযোগব্যবস্থার অসুবিধা না থাকলে হারনেশ খুলে ফেলবে রানা, ট্রাপিজ বারে খুলে থাকবে। রানার নির্দেশ পেলে চলন্ত মারলিনের এক-দেড় শ গজ কাছে চলে যাবে সোহানা বোট নিয়ে। ইয়টের কোর্সের সঙ্গে চল্লিশ ডিগ্রি কোণ করে পাওয়ারবোট বাতাসের বিপরীতে চলবে, যাতে নামতে পারে রানা ইয়টের ডেকে।

মহড়া দেওয়ার জন্য চলতে শুরু করল পাওয়ারবোট। খানিক পরেই পাশ দিয়ে এগিয়ে গেল মারলিন। নেভিগেশন লাইট ছাড়াও হুইলহাউসে আবছা আলো দেখা গেল। এক বা দুজন লোক থাকবে হয়তো হুইলহাউসে, তবে তাদের পেছন ফিরে তাকানোর সম্ভাবনা খুবই কম।

পাওয়ারবোটের পেছনে প্রায় চল্লিশ ফুট ওপরে উঠে গেছে ঘুড়িটা, দেখা যায় কি যায় না। রিসিভারে কিছু নির্দেশ এল, ধ্রুটল আরও খুলে দিল সোহানা। স্নালোম কি পরা রানাকে এখন ছায়ার মতো আবছা দেখা যাচ্ছে। কিছুদূর স্কি করে এগোনোর পর সারফেস ছেড়ে উঠে পড়ল ও শুন্যে।


সোহানা চোঁচিয়ে বলল, 'রশি ছাড়ো!'

উইলক কন্ট্রোলার হাতল চেপে ধরলেন প্রফেসর, আঙুল আঙুল ছাড়তে শুরু করলেন টো-লাইন। কী ঘটছে জানার জন্য অস্থির হয়ে রয়েছে জেসিকা, কিন্তু স্থির হয়ে বসে আছে মুর্তির মতো—কথা বললে পাছে সোহানা বা আদনানের মনোযোগ ছুটে গিয়ে কোনো দুর্ঘটনা ঘটে যায়!

পাওয়ারবোটের দুই শ গজ পেছনে সাগর থেকে দেড় শ ফুট ওপরে উঠে পড়েছে রানা। বরফের মতো ঠান্ডা হয়ে গেছে ওর মুখ, কিন্তু ওয়েট-সুটের ভেতর শরীরটা গরম।

'বাঁ দিকে স্নালোম করব এবার, সোহানা,' বলল ও প্লোট-মাইকে, 'শুরু করলাম।'

বার ধরা হাত সরিয়ে শরীরের ওজন খানিকটা বাঁয়ে চাপাল রানা। বাঁ দিকে গোড়া বেয়ে নামতে শুরু করল বিশাল ঘুড়ি। কি জোড়া যখন পানির একেবারে কাছে চলে এল, তখন ডানে চাপাল ওজন, মুখে বলল, 'ওপরে!' রানাকে নিয়ে এবার উঠতে শুরু করল ঘুড়ি, সেই সঙ্গে সরে যাচ্ছে ডানে। এই রকম বার কয়েক এদিক-ওদিক করে একটা আন্দাজ এসে গেল ওর দূরত্ব ও হাওয়ার গতি সম্পর্কে। বলল, 'ঠিক আছে, সোহানা। এইবার এগোও।'



ওরা বাঁচে বর্তমানে

ভাও বুঝতে বুঝতে হারিয়ে ফেলেছে রানা ইয়টটাকে। সার্বধানে স্পিড ব্যাডাল সোহানা। কিছুক্ষণ চলার পর অব্যবহার নেভিগেশন লাইট দেখতে পেল ও মাইল বামের সামনে, কিছুটা ডানে।

কাছাকাছি গিয়ে ল্যান্ড করার জন্য তৈরি হয়ে নিল রানা। দিক দুটো ফেলে দিয়ে হারনেস খুলে বার ধরে ঝুলে পড়ল দরবাজের মতো। অন্ধক্ষেপেই প্রায় ধরে ফেদল সোহানা-মারলিনকে, এবার ওটাকে ছাড়িয়ে এগিয়ে যাবে এক পাশ দিয়ে। রানা সামান্য কাত হয়ে পোর্ট কোয়ারটারের দিকে যাচ্ছে শুনে সোহানাও সেই অন্যায়ী বাঁক নিল, যাতে রানা যখন পেছনের ডেকে পৌঁছাবে, ঠিক উখন টো-রোপটা ইয়টের স্টার্ন ও পাওয়ারবোটের সঙ্গে এক লাইনে থাকে।

রানার কণ্ঠ ভেসে এল, 'আরেকটু আস্তে, সোহানা। আরও। ওপরে ভালো বাতাস আছে, তুমি দশ নটে নেমে যেতে পারো। শুভ, এবার একটু ডান দিকে। হ্যাঁ, এইভাবে ধরে রাখো। নামছি...'

শরীরের ওজন ডানে চাপাল রানা, বাঁকা হয়ে নেমে আসছে ইয়টের পেছনে ডেকের দিকে। পঁচিশ ফুটে নেমে এসে টের পেল মারলিন এগিয়ে আছে কিছুটা, একটু বায়েও সরতে হবে। 'গ্রটল, সোহানা। সামান্য। ঠিক আছে। বাস, আর না।'

ওপর থেকে ছোট দেখাচ্ছিল আফটারডেক, কাছে এসে মন্ত লাগছে এখন। পেছনের রেইল টপকে ডেকের ওপর চলে এল ওর পা দুটো, এখনো বেশ অনেকটা ওপরে; এক্ষুনি নেমে যা পড়লে স্টারবোর্ডের রেইল ডিঙিয়ে সাগরে গিয়ে পড়বে। শোধরানোর কোনো উপায় নেই। ঘূড়িটা একটু কাত করেই হাত ছেড়ে দিল ও বার থেকে, মুখে বলল, 'ওপরে, সোহানা!'

ঘূড়িটা চলে গেল ওপরে। শরীরটা প্রায় গোল করে দুটো ডিগবাজি খেয়ে উপড় হয়ে থামল রানা সেলুনের দেয়াল বেঁধে। এক মিনিট চুপচাপ পড়ে রইল ওখানে, কান খাড়া করে শুনেছে কোথাও কোনো শব্দ হয় কি না; কচ্ছপের মতো ঘাড় ঘুরিয়ে দেখছে কোনো নড়াচড়ার আভাস পাওয়া যায় কি না। এবার মাইকটা কণ্ঠনালির সঙ্গে চেঁসে ধরে বলল, 'নখ কামড়ানো বন্ধ করতে বলো জেনিকাকে, পৌছে গেছি। তোমরা একটু দূরে সরে গিয়ে অপেক্ষা করো, আবার যোগাযোগ করতে আমার কিছুটা

দেরি হতে পারে।'

ওয়েট-সুটের জিপ কিছুটা খুলে ক্লিপ দিয়ে আঁটা ট্র্যাকশিটারের সুইচ অফ করে দিল রানা। খারাপ ল্যান্ডিংয়ের জন্য ডেকে যাবা খেয়ে বা গাল কিছুটা ছড়ে গেছে, হাত তুলে একটু আদর করে দিল জায়গাটা। বার কয়েক খুলে বন্ধ করে আঙুলগুলোর আড়ষ্টতা দূর করল। তারপর উরুতে বাঁধা নিওপ্রিনমোড়া একটা প্যাকেট খুলল। ওটার ভেতর থেকে বেরোল ওর প্রিয় ওয়ালথার পিপিঁকে, ছোট একটা ব্যাল্ড হাইপোডারমিক সিরিঞ্জ, কিছু ওষুধ, এক রোল সার্জিক্যাল টেপ আর ইথার ভরা একটা অ্যারোজল স্প্রে। উঠে দাঁড়িয়ে নিঃশব্দ পায়ে সেলুনের কোণ ঘুরে এগোল ও সামনে।

আধমাইল বায়ে, ইয়টের পাশাপাশি একই গতিতে চলছে পাওয়ারবোট; প্রায় নিঃশব্দে।

'আমরা কখন ইয়ট উঠল, সোহানা?' জানতে চাইল জেনিকাকে।

'রানা ডাকলেই যাব আমরা। এই ধরো, আর আধঘণ্টা। আগে ক্রুদের সামলাতে হবে। ওরা আছে মোট আটজন।'

'এত লোকের বিরুদ্ধে রানা একা! খুব কঠিন হবে না?'

'না-না। কঠিন ছিল ইয়টে পৌঁছানো। সেই কাজটা হয়ে গেছে। রিচি আর লুকাস থাকে ওপরের দুটো ডেক-কেবিনে; ব্যাকি সবাই ঘুমায় নিচের হোস্টে। ইয়টের কোথায় কী আছে, সব মুখস্থ রানার। সঙ্গে প্রত্যেকের জন্য উপহার নিয়ে গেছে ও—এক গজ করে প্লাস্টার, আর একটা বোতলে করে খানিকটা ক্লোরোকর্ম; ওতেই ঠান্ডা থাকবে ওরা।'

ছয়

ঘুম-জড়ানো চোখ মেলল রিচি হাওয়ার্ড। ওর কাঁধ ধরে কে যেন ঝাঁকছে। 'বেঁকিয়ে উঠল সে, 'আঁই! কী হয়েছে? কোন শালান...'

ক্লিক করে শব্দ হলো মৃদু। বাতি জ্বলে উঠল কেবিনে। একটা প্রিট ক্যালিবারের ওয়ালথার পিপিঁকের নাকের সিঙ্গেল ফুটো চেয়ে রয়েছে ওর দিকে; চোখ মিটমিট করার পরও যেমন ছিল-তেমনি রইল ওটা, খিলিয়ে গেল না। পিঙ্কলের ফুটো থেকে রিচির দৃষ্টি সরে পেছনে দাঁড়ানো কোনো ওয়েট-সুট পরা লোকটার মুখের

ওপর স্থির হলো।

ধড়মড় করে উঠে বসতে যাচ্ছিল, নাকে-মুখে পিস্তলের গুতো খেয়ে শুয়ে পড়ল আবার। রানা! মাসুদ রানা দাঁড়িয়ে রয়েছে ওর সামনে পিস্তল হাতে। চেয়ে যে রয়েছে, চাখ দুটো যেন ঠান্ডা, নীলচে বরফের দুই টুকরো। কী ঘটছে এসব? বড়লোক সোহানার পেছন পেছন সারাক্ষণ খোদাই বাঁড়ের মতো ঘোর গুড ফর নাথিং ভাঁড়টা। ও এখানে কেন? এলই বা কী করে!

কয়েক সেকেন্ড বোঝার চেষ্টা করল রিচি কী ঘটছে, আরও কয়েক সেকেন্ড ব্যার করল সে ওর মিথ্যার ঝুলি হাতড়ে; বুঝতে পারছে না ঠিক কী বলে নিস্তার পাবে। আস্তে করে বাঁ হাত বাড়াল একটা বোতামের দিকে।

মাথা নাড়ল রানা। নরম গলায় বলল, 'কোনো লাভ নেই, রিচি। হুইলের লোকটা ছাড়া বাকি সব কজন ঘুমিয়ে। রেল বাজিয়ে ঘুম ভাঙতে পারবে না ওদের কারণে। ব্যরণ করা সত্ত্বেও যদি বোতামে আঙুল হোঁয়াও, গুলি করে তোমার হাত ফুটো করে দেব আমি। সত্যিকারের গুলি, সেদিনকার মতো লুকাসের ছোড়া ফাঁকা গুলি না। ব্যাগে ভরা গুয়োরের রক্তের দরকার পড়বে না, কারণ প্রচুর রক্ত বেহেরাবে তোমার নিজের শরীর থেকেই।'

ওর চেহারা দেখে রানা বুঝতে পারল, ঘুমের ঘোর পুরোপুরি কেটে গেছে রিচির। প্রথম ধাক্কাটা সামলে নিল তাড়াতাড়িই। চোখ সরু করে তাকাল সে রানার দিকে। কঠিন সুরে বলল, 'মস্ত বিপদে পড়েছ, মিস্টার মাসুদ রানা। টের পাচ্ছ? অন্যের ইয়টে অনুপ্রবেশ, জোরজুলুম, ডাকাতি...'

'নষ্ট করার সময় নেই আমার হাতে, রিচি,' বলল রানা। 'মন দিয়ে শোনো, গ্লিঞ্জ। যা বলার একবারই বলব। আমি জানি, তুমি নও, লুকাস ম্যাকপিলই আসল বস। তেক করে দেখেছি, ও-ই ভাড়া নিয়েছে ইয়টটা। ওরই পরিকল্পনামাফিক ছিনতাই হয়। একেই হিসেবে তোমাকে রাখা হয়েছে সামনে। অজিনেতা। ঠিক একইভাবে ডাকাতি করেছ তোমরা স্মেরালডা, নিস এবং বন্দর ছাড়াও আরও কয়েক শহরে। তোমার মতো একইভাবে ফাঁকা গুলি খেয়ে মেরেতে আহুড়ে পড়েছিল অশ্বটন ঠেকানোর জন্য দাঁড় করিয়ে রাখা লোকটা, কারণ সাহস হয়নি বাধা দেওয়ার।' এই পর্যন্ত বলে থামল রানা। খাটের পাশে রাখা একটা লকারের ওপর বসল। পিস্তলটা স্থির রয়েছে রিচির পেট বরাবর।

'এবার কিছুটা অনুমান করব। স্মেরালডার পুনরাবৃত্তি করার খায়েশ হলো লুকাসের, তোমাকে বলল বন্দরের সবাইকে দাওয়াত করতে। ভয় পেলে তুমি। রিচি হাওয়ার্ডের পার্টিতে দ্বিতীয়বার ডাকাতি হলে কারণ মনে সন্দেহ জাগতে পারে। অনেক কাকুতি-মিনতি করলে, কিন্তু তোমার আপত্তিতে কান দিল না লুকাস, সোভে অস্ত্র হয়ে গেছে সে তখন। কেটে পড়ার সাহস নেই তোমার, সে জন্যই ওকে খুন করার প্ল্যান করেছিলে তুমি সেদিন বোলদর রেভোলভারের কান পার্কে। ওই দুই গুন্ডাকে নিয়োগ করেছিলে তুমিই। কিন্তু কিছু না জেনে প্রফেসর আদনান মুত্তফি বাঁচিয়ে দিল ব্যাটিকে। ফলে দ্বিতীয়বার একই কারণে ডাকাতির আয়োজন বাতিল করা গেল না।'

একদৃষ্টে চেয়ে রয়েছে রানা। রিচির চোখের দিকে। ওর চেহারা দেখেই অনুমানের সত্যতা টের পেল। কপালের চিকন ঘাম এখন ফোঁটায় ফোঁটায় নামছে গাল বেয়ে।

'পুলিশকে খবর দিলাম আমি, তোমার মুখ গুঁকিয়ে গেল। তোমার ভয়, ধরা পড়লে মুখ খুলতে পারে দুই গুন্ডা পুলিশের কাছে; আর তা হলে বারোটা বাজাবে তোমার লুকাস ম্যাকপিল। কাজেই ক্লাউনের ড্রিমিকার নামতে হলো তোমাকে—আমরা সরে যেতেই রিডলবারটা হাত থেকে ফেলে পালানোর সুযোগ করে দিলে ওদের। তোমার ওই গল্পো সোহানা বা আমি কেউই বিশ্বাস করিনি। তারপর যখন দেখলাম, আবার সেই সাগরপারের পার্টি থেকে একই কারণে ছিনতাই হচ্ছে, তোমার হাতের মাংস ফুটো করে বুলেট বেরিয়ে যাচ্ছে, কিন্তু আর কারণে গায়ে লাগছে না, জখমটা দেখাতে তোমার মহা আপত্তি—তখন বুঝতে কিছুই বাকি থাকল না আর।'

রিচির গলা গুঁকিয়ে কাঠ, তার পরও বলল, 'প্রমাণ করতে পারবে এসব? কোর্টে দাঁড়িয়ে?'

'প্রমাণ করতে যাবই না,' বলল রানা, 'লুকাস তোমার দোণ্ডো নয়, বস। ঘুমের মতো ভয় পাও তুমি ওকে। আমি যদি ওকে শুধু বলি, তুমিই ওকে খুন করার ব্যবস্থা করেছিলে; ও কি কোনো প্রমাণ চাইবে? আমার প্রমাণ করতে হবে না, রিচি, ও নিজেই বুঝে ওবেঙ

নেবে কেন কী ঘটছিল।'

মনে হলো কুকড়ে ছোট হয়ে গেল রিচি। ভয়ে কঁচকে গেছে চেহারাটা। মেনে নিয়েছে পরাজয়। বলল, 'বিনিময়ে তুমি যদি কিছু চাও, আমি রাজি। কী চাও তুমি, মাসুদ রানা?'

'একটু সহযোগিতা, রিচি,' বলল রানা, 'সেই সঙ্গে লুটের মাল, অবশ্যই।'

সাগরের দোলায় দুলছে ইয়ট। ইঞ্জিন বন্ধ।

হুইলহাউসের লোকটা ঘুমাচ্ছে বেঘোরে। সার্জিক্যাল টেপ দিয়ে হাত দুটো বাঁধা, পা বাঁধা নাইলনের দড়ি দিয়ে। পাওয়ারবোট এখন স্টেটে আছে ইয়টের গায়ে, রানা গ্যাংওয়ে নামিয়ে দিতেই উঠে এসেছে সোহানা, আদনান ও জেসিকাকে নিয়ে। সোহানা এগিয়ে এসে রানার গালটা পরীক্ষা করল, কিন্তু মুখে কিছু বলল না।

রানার পাশে দাঁড়িয়ে আছে রিচি হাওয়ার্ড।

'ভাগ্যিস জেসিকাকে সঙ্গে এনেছিলাম,' বলল রানা, 'তা নইলে আমাদের সব খাটনি আজ বরবাদ হয়ে যেত।'

'লুটের মাল কি ইয়টে?' জানতে চাইলেন আদনান।

'হ্যাঁ। কিন্তু ভজকট করে ফেলেছি, আদনান তাই।' বিরক্ত কণ্ঠে বলল রানা।

'কী রকম?'

'এখন দেখছি নাটের গুরু আসলে লুকাস, এইটা,' বুড়ো আঙুল দিয়ে রিচিকে দেখাল রানা, 'ওর ভেড়া। এদের কাউকে বিশ্বাস করে না লুকাস, একমাত্র ও-ই জানে কোথায় রাখা আছে লুটের মাল। আমি এ ব্যাটিকে সর্দার মনে করে আগেই অজ্ঞান করে দিয়েছি লুকাসকে ইঞ্জেকশন দিয়ে। একটানা কয়েক ঘণ্টা ঘুমাতে ও, কিন্তু অত সময় আমাদের হাতে নেই। অবশ্য জেপে থাকলেও ওর কাছ থেকে কথা আদায় করা যেত কি না সন্দেহ আছে।'

'তাহলে কি চোরের ওপর হাটপারি করতে এসে খালি হাতে ফিরতে হবে আমাদের?' হতাশ কণ্ঠে জানতে চাইলেন প্রফেসর।

'না, আমাদের সঙ্গে জেসিকা আছে না? সবকিছু নির্ভর করছে এখন জেসিকার ওপর। গোটা ইয়ট সার্চ করতে হলে পুরো এক সপ্তাহ লেগে যাবে—অথচ আর একটা ঘণ্টাও এখানে থাকা আমাদের জন্য নিরাপদ নয়।' জেসিকার দিকে ফিরল এবার রানা, 'এখন কাজে লেগে যাও, জেসিকা। তুমি যদি লুটের মাল খুঁজে না পাও, বিফল হয়ে ফিরতে হবে আমাদের।'

হাসিতে উদ্ভাসিত হয়ে উঠল জেসিকার মুখ, ভেজা কপাল থেকে পানির কণা মুছল হাতের পোঁছায়। আনন্দ গোপন করতে জানে না ও। হাসছে খিলখিল করে। এত আনন্দ, এত খুশি ওর মধ্যে খুব কমই দেখেছেন আদনান।

'অনেক সোনা ছিল ওখানে,' বলল জেসিকা, 'কাজেই আমার খুঁজে পাওয়া উচিত। কিন্তু দুটো তোমার রড বা টিউব লাগবে যে।'

'আমি একটা আর্বিংয়ের তার পেয়েছি স্টোরে, দেখো তো এতে কাজ হবে কি না?' বলে দুই সূতা ব্যাসের আড়াই ফুট লম্বা এক টুকরো তোমার তার বাড়িয়ে ধরল রানা।

ওটা হাতে নিয়ে জেসিকা বলল, 'এটাকে দুই ভাগ করে দিতে পারলে সুবিধে হতো।'


'এফুনি অর্ধেক করে দিচ্ছি,' বলে পকেট থেকে চার ফলার একটা সুইস অফিসার্স নাইফ বের করল রানা।

'কিছুটা ছোট-বড় রেখো,' বলল জেসিকা।

প্রথমে ছুরি দিয়ে চেষ্টা করে হলো না যখন, রেত ও করাতের ফলা চালিয়ে দুই খণ্ড করে ফেলল রানা তারটাকে। একটা খণ্ড সতেরো ইঞ্চি, অপরটা তেরো।

স্টারবোর্ড রেইপের কিনার থেকে শুরু করল জেসিকা। ধীর পায়ে এগোচ্ছে। দুই হাত সামনে বাড়ানো, তোমার তার দুটোও সামনের দিকে তাক করা। কী হয় দেখবে বলে উগ্রহ নিয়ে সবাই চলেছে ওর পেছন পেছন। ওর এই অতীন্দ্রিয় ক্ষমতার কথা অনেক দিন আগে শুনেছে রানা সোহানার কাছে। কয়েকটা গোল্ড-মাইন প্রসঙ্গের কোম্পানির হয়ে চুক্তি ভিজিতে কাজও করেছে জেসিকা কিয়ের আগে।

তিন-চার ফুট সরে সরে লম্বালম্বিভাবে দুবার আসা-যাওয়ার পর তৃতীয়বার ইয়টের মাঝামাঝি এসে জেসিকার হাতের তার দুটো সরে গিয়ে গুণ-চিহ্নের আকৃতি নিল। খেবে দাঁড়াল ও। চেহারায় গভীর মনোনিবেশের ছাপ। সামান্য ডানে সরে পা টুকল



এইবার চোখ গেল তাঁর দ্বিতীয় দুর্ভেদ্য দিকে

ও ডেকের ওপর।

'এইখানে, রানা। দশ ফুট নিচে। একটু কমও হতে পারে।'

'এর নিচে কী, রানা?' জিজ্ঞেস করল সোহানা।

'চলো, দেখি।'

প্রফেসরকে একটু পর পর ডেকের ওই জায়গাটার জুতো দিয়ে শব্দ করতে বলে বাকি সবাই নেমে গেল নিচে। দেখা গেল, ওখানে একটা বাস্কহেড। পাটিপনের একপাশে এয়ারকন্ডিশনিং ইউনিট, অন্য পাশে পেইন্ট স্টোর ও ওয়ার্কশপ। খুব ধীরে এক ইঞ্চি দু ইঞ্চি করে এগোচ্ছে এখন জেসিকা। আবার ওপ-চিহ্ন তৈরি করল ভামার তার। বাস্কহেডের সামনে গিয়ে দাঁড়াল জেসিকা।

'এইখানে,' বলল সে, 'ডেক লেভেলে।'

'বাস্কহেডের নিচের দিকে একটা ভেন্টিলেটর গ্রিড' দেখা যাচ্ছে,' বলল সোহানা, 'তোমার পায়ের কাছে। রানা, দেখো তো, একটা স্কু ড্রাইভার পাওয়া যায় কি না।'

ইতিমধ্যে নেমে এসেছেন প্রফেসর। চটপট চারটে স্কু খুলে ফেললেন তিনি। গ্রিড সরিয়ে হাত বাড়িয়ে শাকটের ভেতর থেকে চামড়ার একটা ব্যাগ বের করে আনলেন। ওর ভেতর তুলো দিয়ে মুড়ে ধরে থরে সাজিয়ে রাখা আছে লুট করা অলংকারগুলো। 'বের করে ফেলেছ, ডার্লিং!' বললেন তিনি নিচু, কাঁপা গলায়।

জেসিকার গাল দুটো কুঁচকে গেল, পানি এসে গেল চোখে। কিন্তু এ কান্না আনন্দের। এক হাতে ওকে জড়িয়ে ধরে হা হা করে হেসে উঠলেন প্রফেসর প্রাণখোলা হাসি।

ব্যাগের ভেতরটা নেড়েচেড়ে দেখল সোহানা। একদৃষ্টিতেই অনেকগুলো অলংকার চিনতে পারল ও। মাথা ঝাঁকাল রানার দিকে চেয়ে।

'এবার কী, রানা?' চট করে ওর হাতে ধরা পিস্তলটার দিকে একবার চেয়ে নিয়ে জিজ্ঞেস করল রিচি হাওয়ার্ড।

'তোমার কেবিন,' বলল রানা। ইশারা করল পিস্তল দিয়ে। 'আমরা চলে যাচ্ছি এখন। তুমি চাইলে লুকাসকে যেমন দিয়েছি, তেমনি এক ডোজ বারবিচুরেট পুশ করতে পারি তোমার শরীরে। অর্ডজনের মধ্যে কেউ না কেউ জেগে উঠে মোচড়ামুচড়ি করে খুলে ফেলবে বাঁধন, তারপর মুক্ত করবে বাকি সবাইকে। সেটাই বোধহয় কিছুটা নিরাপদ হবে তোমার জন্য, কী বলো?'

মাথা ঝাঁকাল রিচি। এগোল দরজার দিকে।

সাত

পনেরো মিনিটের মধ্যেই আকাশের গায়ে মারলিনের সিলুহেট আবিহা হতে হতে মিলিয়ে গেল। পাওয়ারবোটের হুইল আবার সোহানার হাতে। দুপল্ল ভূমধ্যসাগরের পিঠ চিরে দিয়ে তীরবেগ ছুটছে ওদের বোট উত্তর-পশ্চিম বরাবর। হুড খুলে ফেলেছে সোহানা। বাতাসে উড়ছে ওর দীর্ঘ চুল। ওয়েট-সুট পার্টে লকার থেকে গরম কাপড় বের করে পরেছে রানা। মন্ত বড় একটা হাই তুলে সিটের পেছনটা নামিয়ে দিয়ে এখন শোয়ার তাল করছে।

'মনে হচ্ছে, স্বপ্নের মধ্যে আছি!' বললেন আদনান, 'সুখস্বপ্ন। আজই কি লুটের মাল তুলে দেবে পুলিশের হাতে?'

'নাহ্! জবাব দিল সোহানা, 'পুলিশের ধারেকাছেও যাব না।'

'তাহলে? ওদের শাস্তি হবে না?' জানতে চাইল জেসিকা।

শাস্তি শুরু হয়ে যাবে আর কিছুক্ষণের মধ্যেই। খোয়া গেছে লুটের মাল, কিন্তু কেউ জানে না কীভাবে, এটা বিশ্বাসযোগ্য নয়। রিচি ছাড়া সবাই মনে করবে ওদেরই ভেতর কেউ করেছে কাজটা। কিন্তু কাউকে দিয়ে স্বীকার করানো যাবে না কার কাজ। কেউ কারও কথা বিশ্বাস করবে না, সবাই সন্দেহ করবে সবাইকে, ফলে ভেঙে যাবে দল। আমরা যান-সাগরে চড়াও হয়ে নিয়ে এসেছি ব্যাগ, এই গল্প লুকাস ম্যাকপিলকে শোনানোর সাহস হবে না রিচির। একটা হাই তুলল সোহানা, তারপর বলল, 'তোমরা একটু গড়িয়ে নাও। সবাই মিলে রাত জাগার কোনো মানে হয় না।'

'ঠিক বলেছ,' বললেন আদনান, 'কিন্তু মনের মধ্যে মানান প্রঙ্গ ঘুরপাক খেলে ঘুম আসবে কী করে, ওনি?'

'কী প্রশ্ন, আদনান ভাই?'

'পুলিশের কাছে যাবে না বলছ, তাহলে এই অলংকারগুলোর কী হবে? মালিকেরা তাদের জিনিস ফেরত পাবে না?'

'নিশ্চয়ই পাবে। শোনো, দু-চার দিন পর তুমি আর জেসিকা এই ব্যাগটা খুঁজে পাবে, ধরো, কোনো সাগরসৈকতে। এখন এক জায়গায় পাবে, যেখানে প্রচুর লোকজন আছে; আর এমন এক সময়ে, যখন ধনী ক্লায়েন্টদের চাপাচাপিতে ইনশিওরেন্স কোম্পানিগুলো সবাই মিলে ওগুলোর উদ্ধারকারীকে অস্ত্র এক

লাখ ডলার পুরস্কার দেবে বলে ঘোষণা করবে। এবার ক্লিয়ার?’

‘কিসের ক্লিয়ার? আরও তো এলোমেলো হয়ে গেল সব! দাঁড়াও। আগে শুনি, এর মধ্যে পুরস্কার আসছে কী করে?’

‘দেয় সবাই। অন্তত দশ পারসেন্ট তো দিতেই হবে। তা না হলে আমরা ওগুলো ফেরত দিতে দেরি করব।’

‘বুঝলাম, ব্যাকমেইলিং। এবার শোনা যাক, লোকজন থাকতে হবে কেন?’

‘ওরা সাফ্য দেবে, সত্যি তোমরা ব্যাগটা বালির নিচ থেকে খুঁড়ে তুলেছ। তোমাদের হাইচই শুনে ভিড় করে ঘিরে ধরবে মানুষ, ছবি তুলবে মুহূর্তে। যাদের মাল খোয়া গেছে, তারা ছুটে আসবে; সাংবাদিক এসে ছেকে ধরবে, বিমা কোম্পানিগুলো আসবে, পুলিশ আসবে—রাতারাতি বিখ্যাত হয়ে যাবে তোমরা। তারপর পুরস্কারের ট্যাক্স-ফ্রি এক লাখ ডলার পকেটে পুরে হাসতে হাসতে চলে যাবে লন্ডন।’

‘অ্যাগ?’ শুয়ে পড়তে যাচ্ছিল জেসিকা, ল্যাক্সিয়ে উঠে বসল। ‘পুরস্কারের টাকা আমাদের পকেটে আসবে কেন?’

‘তাহলে কার পকেটে যাবে, শুনি?’ পাল্টা প্রশ্ন করল সোহানা। তারপর ব্যাখ্যা করল, ‘তুমি লুকাসকে চিনিয়ে দাওনি? তুমিই লুটের মাল খুঁজে বের করেচি? যা বলছি, সত্যি কি না? তোমাকে ছাড়া কোনো দিনই পেতাম না আমরা অলংকার। ওদের বিরুদ্ধে কোনো প্রমাণ না থাকায় আজকের অ্যাডভেঞ্চারের ফলে ওরা আইনের আশ্রয় নিলে মস্ত বিপদে পড়তে পারতাম আমরা। তাই না, রানা?’

কোনো জবাব নেই। আরে! যুমিয়ে পড়ল নাকি মানুষটা!

সামনে ঝুঁকে ডালো করে দেখলেন আদনান রানার মুখটা। ‘হায়, খোদা! বেঘোরে ঘুমাচ্ছে! মানুষ, না পিশাচ?’ অ্যাপগও ঘুমন্ত রানাকে দেখেছেন তিনি। ঘুমালে ওর মুখটা শিশুর মতো হয়ে যায়। আজ আরও বাচ্চা দেখাচ্ছে। এলোমেলো চুল, গালে ছড়ে যাওয়ার দাগ; শুয়ে আছে, ঠিক যেন ক্লাস্ত এক পথকলি। পরিষ্কার বুঝতে পারছেন, জেসিকা আজ বাজারে গিয়ে লুকাসকে চিনতে পেরেছে শুনেই ওদের পুরস্কার পাইয়ে দেওয়ার প্ল্যান তৈরি করে ফেলেছিল রানা। আর্চার্চ একটা মমতা বোধ করলেন তিনি মহৎপ্রাণ এই মানুষটার প্রতি।

‘বেশ, বুঝলাম, জেসিকা ঝুঁজে বের করেছে জুয়েলারির ব্যাগ। কিন্তু রানা আমাদের নিয়ে গিয়েছিল। নিজের বাড়ি মটকানোর ঝুঁকি নিয়ে ঘুড়িতে করে নেমেছে ডেকে।’

কাঁধ ঝাঁকাল সোহানা। ‘তা ঠিক। মৃত্যুর ঝুঁকি নিয়েছিল ও। যদি সাহস থাকে তবে পুরস্কারের অর্ধেক টাকা ওকে সেধে দেখতে পারো। আমার বিশ্বাস, সেইটাই হবে তোমাদের শেষ দেখা।’

তিন দিন পর প্রফেসর আদনান মুস্তকি স্ত্রীকে নিয়ে একদল টুরিস্টের সঙ্গে একটা ট্রাভেল এজেন্সির আয়োজন করা এক্সকোর্সনে গেলেন সাঁ মিগুয়েল বিচে। বেলা এগারোটার দিকে বিচে পড়ে থাকা একটা পাথরে হেলান দিয়ে বসিয়ে স্ত্রীর ছবি তুলতে যাচ্ছিলেন, এমন সময় চোঁচিয়ে উঠল জেসিকা, ‘আরে! এটা কী! সাপ নাকি?’

উপস্থিত সবার চোখ ঘুরে গেল অন্ধ মেয়েটির দিকে। ও তখন একটা দড়ি ধরে টানছে। দেখা গেল, পাথরের একটা বালি আর অলগা নুড়িভর্তি ঝাজে দুই ফুটের মতো চল গেছে দড়িটা। পেটের শেষ মাথায বাঁধা একটা চামড়ার ব্যাগ বেরিয়ে এল বাইরে।

ওর ভেতর কী আছে দেখার জন্য হুমড়ি খেয়ে পড়ল সবাই। যখন দামি সব গয়না বেরোতে শুরু করল, হুপুহুপ পড়ে গেল চারপাশে। মোবাইলে খবর দিচ্ছে সবাই এদিক-ওদিক। কেন ডাকাতেরা কদিন আগে লুট করা মাল এইখানে এনে ছুকিয়ে রাখল, তাই নিয়ে নানান জল্পে নানান মতামত দিচ্ছে।

ভুল হয়ে গেল এক্সকোর্সন। সবাই মিলে ব্যাগ নিয়ে হাজির হলো গিয়ে পুলিশ-স্টেশনে।

ঠিক সেই সময়ে ডিলার বারান্দায় ইজিচেয়ারে বসে রোদ পোহাচ্ছে রানা, হাতে পেপার। সপাৎ সপাৎ স্যাণ্ডেলের আওয়াজ কানে আসতেই ষাড় ফিরিয়ে চাইল।

উজ্জ্বল কমলা রঙের সুইম-সুট পরেছে সোহানা, চুলগুলো ঘাড়ের পেছনে বাঁধা। সাঁতার কাটবে সাগরে। রানাকে কোমরের ধাক্কায় এক পাশে সরিয়ে দিয়ে নিজের জন্য জায়গা বের করে নিল

সোহানা। একটু বাঁকা হয়ে মুখোমুখি হলো রানার। ওর দুই কাঁধে হাত রেখে অদ্ভুত দৃষ্টিতে চাইল রানার মুখের দিকে। কী যেন বলতে চায়, কিন্তু হিঁচা করেই।

আরও একটু সরে সোহানাকে আরাম করে বসার জায়গা করে দিল রানা। সোহানা বলল, ‘এক লাখ ডলারে আদনান ভাই আর জেসিকা ধারণেনা শোধ করে নিধে হয়ে দাঁড়াতে পারবে আবার। তার পরও আরও কিছু থেকে যাবে হাতে।’

মাথা ঝাঁকাল রানা। একটু পর আবার বলল সোহানা, ‘তোমাকে একটা প্রশ্ন করব, কিছু মনে করবে?’

হাসল রানা। ‘কবে কী মনে করেছি?’

‘কদিন ধরে ভাবছি, তুমি আমাকে কিছুই বলোনি কেন। তুমি জানতে, ওই রাতে ডাকাতি হবে, কারা করবে তাও জানতে, তাই না?’

সোহানার চোখে চোখ রাখল রানা, ‘তুমি টের পাওনি?’

‘জেসিকা লুকাসের গন্ধ পাওয়ার আগে বুঝিনি। সেদিন বুঝলাম, ওটা তোমার জন্য নতুন কোনো খবর ছিল না। তখনই মনে হলো, তুমি আগে থেকেই সন্দেহ করেছিলে ওদের।’

‘সেই রাতে বোলদর রেস্তোরাঁয় যা যা ঘটেছে, এভাবে ছাড়া আর কোনোভাবে মিলছিল না,’ বলল রানা, ‘হ্যাঁ, আমি জানতাম পাঠিতে ছিলতাই হবে। ডেবেছিলাম, দু-চার দিন অপেক্ষা করে প্রমাণ করে দেব, এ জন্য দারী রিচি গং। ভাবছিলাম, প্রমাণটা জেসিকা আর আদনান ভাইকে দিয়ে কী করে করানো সম্ভব। কিন্তু জেসিকা লুকাসকে চিনে ফেলার ক্রেডিটটা ওর ওপর চাপানো সহজ হয়ে গেল। মারলিন যে কবে কখন পাড়ি দেবে সাগরে, তাও জানা ছিল আমার, তাই আদনান ভাইকে পাঠিয়েছিলাম ষটফে স্টো দেখে আসতে।’

মুদ হাসল সোহানা। ‘সে জননই পাওয়ারবোটে যা যা প্রয়োজন সব রেডি করে রেখেছিলে আগে থেকে।’

মাথা ঝাঁকাল রানা।

‘রিচি জানত কোথায় ব্যাগটা আছে, তাই না?’

আবার মাথা ঝাঁকাল ও। ‘এটাও বুঝে ফেলেছ?’

‘লুকাসকে কয়েক স্টার জন্য ঘুম পাড়িয়ে রাতে হয়েছিল তোমার জেসিকাকে ওগুলো আবিষ্কারের সুযোগ দেওয়ার জন্য। ঠিক?’

‘হ্যাঁ। রিচি জানত লুকাসের কেবিনে লকারে রাখা আছে লুটের মাল। আমার ঝুঁজতে হয়নি। যখন বলেছি দুই গুন্ডা ভাড়া করে লুকাসকে চিরতরে সরিয়ে দেওয়ার পরিকল্পনার কথাটা আমার জানা আছে, লুকাসও জানবে সহযোগিতা না করলে, তখন সুড়সুড় করে আমাকে নিয়ে গিয়ে দেখিয়ে দিয়েছে জায়গাটা।’

‘তাহলে তুমিই ওটা নিয়ে গিয়ে খ্রিডের ভেতর শাফটে রেখেছিলে জেসিকাকে দিয়ে আবিষ্কার করাতে বলে?’

ভুরু কুঁচকে গেল রানার। ‘সবই তুমি জানো, সোহানা। সে কথা আমাকে বলোনি কেন? এ কটা দিন শুধু শুধুই আমি অপরাধবোধে ভুগলাম।’

অবাক হলো সোহানা। ‘বা রে, তুমি আমাকে বলোনি বলেই আমিও কিছু বলিনি। ডাকাতির ব্যাপারে আমি শিওর ছিলাম না, কিন্তু যদি হয়, তাহলে পুরস্কারের পরিমাণ যেন বাড়ে, সে জন্যই তোমার দেওয়া মালাটা আমি হাতছাড়া করেছিলাম। এখন বুঝতে পারছি, তুমি আমার উদ্দেশ্য টের পেয়েছিলে বলেই চট করে রাজি হয়েছিলে মালাটা জেসিকাকে পরানোর ব্যাপারে।’ মাথাটা একটু নিচু করল সোহানা, ‘তবে একটা সত্য কথা তোমাকে বলি: যখন ওটা লুট হয়ে গেল, তখন আমার কলজটা ফেটে যেতে চাইছিল। কী কষ্ট করে তুলেছিলে তুমি ওগুলো ডুব দিয়ে দিয়ে। ওটা আমি কিরে না-ও পেতে পারতাম!’

টপটপ দু কোঁটা পানি পড়ল সোহানার চোখ থেকে। পানিটা মুছিয়ে দিয়ে ওর গালে চুমো দিল রানা। হাসছে ওর দুইটিমির হাসি।

‘ওগুলো তো শুধুই মুন্ডা, সোহানা। তোমার জন্য তুলেছিলাম, তুমি কত খুশি হবে ডেবে মনের আনন্দে একটা একটা করে সংগ্রহ করেছিলাম। ওগুলো যদি কোনো দিন চুরি হয়ে যায়ও, আমার আনন্দটুকু থাকবে চিরকাল—কেউ কোনো দিন চুরি করতে পারবে না।’

এবার ঝাঁপিয়ে পড়ল সোহানা রানার বুকে। হাউমাউ করে কাঁদছে।

বিস্ময় কাহিনীর ছায়া অবলম্বনে